

金石 故事

志餘 附叙錄

元氏縣志

數

# 金石

鐘鼎彝器自昔不知保存或逐漸埋沒然自漢唐以來碑碣不少概見謹擇  
其有考古價值者分誌於下

漢

封龍山碑 延熹七年

天下碑錄云在獲鹿南四十五里山上

鄭夾漈金石略鎮州

惟封龍山者北嶽之英接三條之別神分體異口在口邦內礫口口名與天  
同燿能蒸雲興雨與三公靈山協德齊勳因舊秩而祭之以爲三望口亡新  
之際去其典祀延熹七年歲口執涂月紀豕韋常山相汝南口波蔡鬮長史  
甘陵廣川沐乘敬天之休虔恭明祀土陳德潤加之於百姓宜蒙珪璧七柱  
法食聖朝克明靡神不舉戊寅詔書應時聽許允勅文吏郎巽詩與義民修

繕故祠遂采嘉石造立觀闕黍稷既馨犧牲博碩神歆感射三靈合作品物  
流行歲實嘉穀粟斗三錢天應玉燭於是紀功刻勒以炤令問其辭曰 天  
作高山實惟封龍平地特起靈亮口通嵯峨峻高麗無雙神耀赫赫理物  
含光贊天休命德合先疆惠此邦域以綏四方國富年豐穡民用章刻石紀  
銘令德不忘口口口口元氏郎口平棘李晉史九門張瑄靈壽趙穎縣令  
南陽口口口口口口口口口口石口口口趙口張口口口口

右碑隸書無額無穿共十五行行二十六字第一行書元氏封龍山之頌七  
字文從第二行起第五行空十三字第九行空二十一字第十行頌辭第七  
二行空十四字頌完第十三行書元氏郎九  
門靈壽南陽及石師姓名上角缺短十四字

### 三公山碑 光和四年

集古錄目云在定州金石錄云在正定元氏定州與元氏縣今屬真定府後  
漢郡國志常山郡元氏有三公寨即此山也州漢爲中山國集古誤也

顧南原漢碑考額題云三公之神四隸字兩旁又有封龍君靈山君六隸字  
頗大隸釋云封龍與靈山是兩山之名揭其神於額之旁即是配食三公之





幽谷遷於喬木得坐中州尸素食祿常以口口歸于鄉族明命謹得以口足  
口口口道無拾遺消口口難路無怨謫得應廉選貢名上恩靈祇福祚施  
之口册感恩食德立銘刻石乃作頌曰口口明公褒所口山谷口口石  
巖巖兮口登口口俟翠神兮興雲致雨除民患兮口口肅恭德口口兮四  
時奉祀黍稷口兮口用握尺視口口兮百姓家口國富殷兮仁愛下下民口  
親兮遐邇携口來荅雲兮或有薪采投輻檀兮或有口口阻山口兮或有口  
口口口粒兮或有口口追口言兮或有恬淡養皓然兮或有呼吸求民心兮  
跂行口是皆口恩兮口俗禁口口口兮口口傳子孫兮刻石紀德示  
後昆兮口永不弊億載年兮舉將南陽冠軍君姓馮諱巡字季祖克修六經  
之要析甄口口之口受命北征爲民父母攘去四殍戒爾元口姦邪越境風  
移俗改恭肅神祇敬而不忘皇靈口口風雨時節麗民執耜或耘或耔童妾  
壺饌敬而賓口稼穡穰穰穀至兩錢菽粟如火咸懷仁人尹口前喆口口季  
文馬饒稂秀不爲苛煩愍俗陵遲訓口口口山無隱士口無口民懷遠以德

幕近以口百姓口歌口得致口君功參周邵愛行于天長履最福子子孫孫  
將口口甘陵甘陵夏方字伯陽令京兆新豐王翊字元輔承口口口口李邵  
字公興石沛口口存

右碑隸書穿項穿古十四字共二十三行行四十字第三行空二十二字第  
七行空二十三字第八行空二十二字第十行空十八字第十二行空二十  
一字第十七行空二十五字第二十二行空三十七  
字末一行書官姓名又末一行行底五字模糊難辨

無極山碑 光和四年

字原云在真定府一統志云無極山在元氏縣西三十里上有無極神祠并  
漢隸碑刻即此碑也

額題無極山碑四篆字隸釋云男子蓋高范遷請於太常乞官給珪璧四時  
祀具詔許之吏民更造廟宇而立此碑金石略光 and 八年鎮州

右碑穿項隸書共十九行行字多寡不等風日剝蝕  
字跡漫漶大半不可辨識並題額四字毫無筆跡

白石神君碑 光 and 六年

顧南原古碑考云在今無極縣按此誤無極  
山爲無極縣

題額云白石神君碑五篆字爲一行文十四行行三十五字空一行方刻銘又空一行書年及常山相史丞尉椽史石師姓名共二行後空一行有燕元璽二年題字元璽慕容雋號聞有碑陰予未見之隸釋云漢人分隸固有不工者或拙或怪皆有古意此碑雖布置整齊略無纖毫漢字氣骨全與魏晉間碑相若雖有光和紀年或後人因舊文再刻者乎

金石略未詳

蓋聞經國序民莫急於禮禮有五經莫重於祭祭有二義或祈或報報以章德祈以彌害古先哲王類帝禋宗望于山川徧于羣神建立兆域修設壇屏所以昭孝息民輯甯上下也白石神君居九山之數參三條之壹兼將軍之號秉斧鉞之威體連封龍氣通北嶽幽讚天地長育萬物觸石而出膚寸而合不崇朝日而澍雨沾洽前後國縣屢有祈請指日刻期應時有驗猶自挹損不求禮秩縣界有六名山三公封龍靈山先得法食去光四年三公守民蓋高等始爲無極山詣太常求法食相縣以白石神君道德灼然乃具載本

末上尙書求依無極爲比即見聽許於是遂開拓舊址改立殿堂營宇既定禮秩有常縣出經用備其犧牲奉其珪璧潔其粢盛旨酒欣欣燔炙芬芬敬恭明祀降福孔殷故天無伏陰地無蠶陽水無沉氣火無災燁時無逆數物無害生用能光遠宣郎顯融昭明年穀歲熟百姓豐盈粟斗五錢國泰安甯爾乃陟景山登崢嶸采元石勒功名其辭曰

巖巖白石峻極太清皓皓素質因體爲名惟山降神髦士挺生濟濟俊乂朝野充盈灾害不起五穀熟成乃依無極聖朝見聽遂興靈宮於山之陽營宇之制是度是量卜云其吉終然允藏匪奢匪儉率山舊章華殿清閑肅雍顯相玄圖靈像穆穆皇皇四時禋祈不愆不忘擇其令辰進其馨香犧牲玉帛黍稷稻粱神降嘉祉萬壽無疆子子孫孫永永番昌光和六年常山相南陽馮巡字季祖元氏令京兆新豐王翊字元輔長史潁川中屠熊丞河南李邵左尉上郡白土樊諱口祀椽吳宜史口徹石師王明

燕元璽三年四月十日主簿程口口口白石將軍教口祠今日口口口口

碑陰

首四行列務城神君錢李女神君儒石神君噫神君中上兩橫隸書列主  
簿祭酒都督姓名共二十三人下皆小字正書記出錢人村莊姓名右偏

有重修口口記滿二字上左偏載  
真定府石匠谷亮下數字漫漶

漢白石神君碑并陰考

漢碑在元氏者四八都神廟碑見天下碑錄舊無考三公無極二山碑見歐  
趙諸名家著錄今失傳縣志皆未載其存焉者爲白石山碑據縣志山在縣  
西北五十里神君祠久圯萬歷間知縣劉從仁重建於蘇莊碑移城內開化  
寺左曝書亭集跋云碑在無極縣府志無縣字立石者常山相南陽馮巡元  
氏令京兆王翊與集古錄所載無極山碑略同隸辨云碑在無極縣額題白  
石神君碑篆字一行文十四行行三十五字空一行刻銘又空一行書年及  
常山相等姓名共二行後空一行有燕元璽三年題字元璽慕容雋偽號隸  
釋云漢隸或拙或怪皆有古意此碑雖布置整齊無漢字氣骨全與魏晉碑  
相若或用舊文再刻者考曹魏碑禁甚嚴此碑昭字師字皆晉人所諱其非  
晉人重刻可知元璽三年題字惡劣與碑文迥殊明係後人妄增洪氏並全

碑疑之過矣朱氏顧氏稱碑在無極縣據碑銘乃依無極而言不知碑文明載求依無極爲比先是無極立祠立碑矣今依此例焉耳非謂碑在無極也碑在無極不應立石者爲元氏令乃博洽者輒復云云何哉碑載元氏令王翊今府志沿畿輔志之訛以光和爲元和列唐名宦當以碑爲正又通志載無極山在元氏謂漢置毋極縣取此縣志此取字爲子唐萬歲通天間改毋作無今碑實作無云顧氏聞有碑陰未之見朱氏雖見碑陰亦未加辨識按碑陰首四行列務城神君錢李女神君礪石神君璧神君義錢礪石見山海經石之似玉者礪同礪朱跋作磚疑係筆誤餘未詳中上兩橫列主簿祭酒都督共二十三人首行主簿姓名漫漶似二名及字餘俱一名及字昔人謂東漢鮮二名良然主簿字從卅與武榮碑韓勅碑陰同漢隸竹部字多作卅也以上皆隸書是與碑文同時刻者兩橫下皆小字正書紀出錢姓名錢省作丩畫字天斜人數猥尤右偏有重修口口記泐二字上左偏載真定府石匠谷亮下數字漫漶漢光和時元氏爲常山郡治五代間始有真定府名目此則後

世續刻者也是碑石墨鐫華金石史均未之及不無疎漏通志載元氏白石神廟白石山則附常山下不載漢碑府志僅載朱跋縣志將碑文刪滅殊乖志體乾隆乙卯德昭莅教諭任移碑於學之敬業堂左偏爲採撫以存巔末俟考古者審定焉

右石正書在學署敬業堂東號嵌置舉人王任之書

祀三公碑

因無年代文中有三公字樣俗呼爲祀三公碑云

□□□常山相壠西馮君到官承饑衰之後□惟三公□□山之條□□神  
□在縣西吏民禱祀□雲膚寸徧雨田□□□□蝗旱□□民□□□醮  
祠帝□□□□由是之來和氣□□乃□□□□其□弘三公□廣其  
靈□神處幽□□□之□□卜擇吉□東□衡山建堂立壇雙闕夾門□牲  
獻禮以甯其神神喜其位甘雨屢降報如影響國□大豐穀斗三錢民無疾  
苦永保其年□□□國顏□五官掾閻裕戶蘭史紀受將作掾王稱元氏令  
策匡丞吳音廷掾乾□戶蘭史翟福□高芟刊石紀焉

右碑無穿篆隸相兼共十行字半多寡不等長風迥殊有兩字占一字符者  
有一字占兩字格者甚或一字上半筆畫多却短促下半筆畫少而疎懈者  
不事配合之工絕無散字之勢非漢以後物也○又按文中昔人以郡山口當  
年爲八廟建廟所刊之石考明成化間重修八都神廟記云昔人以郡山口當  
遠難於祈禱遷於郡城之西門外立八壇以像八山○又光和四年州將馮  
暹屢禱有應感恩之深遂因壇立廟神像十同祀共坐有兄弟之義焉  
前明及順治初年續修邑志之時白石神君碑尚在八都神廟則此碑雖有  
三公字樣其在八都廟豎立可知也况文後所列官名皆係漢制其爲漢碑  
無疑

### 八都神廟碑

天下碑錄云在鎮州元氏縣西北二十里廟壇下光和中立

### 金石略鎮州

按此碑無考或埋沒風塵中亦未可知○又按元氏漢碑三通封龍頌延熹  
七年三公無極皆光和中四年白石神君光和六年前祀三公並無光和中字樣  
考舊志載八都壇有光和中六年碑二皆尖頂穿項殊非近時規製文載藝文  
一則白石神君碑文一文未載則唐開耀年間所立也文中云忽有得神古  
碑有口無頌體製規模則元和碑之无偶也天下碑錄云光和中立  
者恐誤唐爲漢以唐碑文中曾有光和字樣也但唐碑係正書詳後

以上五碑屢經遷徙今白石神君碑在學署敬業堂東壁嵌立教諭劉德昭  
移置其四在文清書院東廡內知縣劉寶楠移置



晉

定光佛鐵塔記

於舍口或以掩口靈平本茂西口行一基口臨分泣列常山景物盡嘉氣口行二

帝街寺安城方近康衢始臨圍行三口情懷純素志慕高奇乃卜此幽居行四隆

暑風清到者栖心頓消口塵口行五口幽勝結真香壇冥禱金容期口行六世是

院也景麗高明勢離大口行七山東眺平川對茂林口秀錦當行八城播績務致

勝因之福田口行九舍利貯餅口囑且頰永笛行十口固一言既發衆口咸口行十一

朽刻檀木以恐墮遂行十二口口五月內起口口行十三遂梵汗清純常口行十四

口梯導續以凌口行十五

素聞吾邑署中有右軍所書碑碣碑已折壞備存半截以在衙署未見其石

茲修邑志聞石已失落榻本復經久不獲中心快快後於同事景君芷汀家

得之因願登載以望完璧

右石行書高一尺四寸七分寬一尺七寸係碑中截右角折壞縱八寸橫一尺二寸斜一尺五寸五分共十六行一百五十九字可識者一百五十字第一

以前行書院定光佛鐵塔記行末有一邢字中有數語可讀殆常山郡治未移

一年春爲某  
公裏載而去

元魏

三級浮圖頌碑

元像二年

按元像無二年但古人改元率以爲常且不  
必皆在正月漢碑考中紀年如是者多有之

右碑正書額篆書疑禪寺三級浮圖之碑頌十大字作五行行二字碑界兩  
截上截長邁文共三十四行行三十五字末行書大魏元像二年歲在申二  
月乙未朔口口五日乙酉造刊口訖下截記人姓名共三十八行每行八  
排寫上兩排記郡縣官姓名共六十九人下六排共二百三十三人按此碑  
字跡磨滅者十之三尙可句讀文中頌建浮圖語頗多但居士融係  
趙國後裔本屬世家脫然無累自是高尙之士爰節錄碑文於後

趙居士諱融字祖和元氏人也其先與秦同姓至周穆王造父有騶馴之勳

賜姓趙氏又匡弼晉君暨於武靈王布錦千城散苒萬國郁郁顯於篆冊穆

穆聯至於斯矣遠祖蘭漢司徒公征口將軍都督內外諸軍事冀州刺史趙

郡公纂珪芳於累葉遂因封此 即共長兄浮陽太守文奴元氏令文口邯

鄆令貳奴元氏令靈和房子令靈宣長兼參軍卞和兄弟等孝友恭良率鄉

賢道俗二千餘人等竝信敬元深體空虛寂詳造三級浮圖凝禪寺云云

按碑

舊在北白婁疑禪寺中知縣劉  
寶楠移置文清書院東廡內

北齊

齊故李功曹墓銘

武平五年

君諱琮字仲瓊趙國平棘人也將軍牧御敵於全趙司隸膺扶危於頽漢高門有元世不乏才譬北別增鎮地之峯東流之浮天之浪曾祖兗州史君祖幽州史君冠蓋朝倫儼作模楷父潁州史君風度閑遠鬱爲領袖君濯自朱藍學因以治比桂樹於幽山辛香可味同門玉於鐘領光澤皎然禮作身基仁爲行本孝著閉門信在遊舊處厚遺薄採實損華賢賢易色恂恂鄉黨得真自我不殉名利輕財重義後已達人往來行言稠直如髮率由天骨不開虛矯郡將鄙伯偉口爲功曹性不驕誕入朝汎愛輪心委質惟慎在恭與之言者如受口帛與之交者若飲醕醪外潤內朗明閑世事文薄堆案下筆如流豸角生疑片言能折既口公孝時聞坐嘯之謠還類范滂更聽晝諾之語期之眉壽老而增智月旦人品准的州閭漏盡易摧日斜不係歸口宗而莫還共公明而治鬼武平二年五月丁未朔廿二日戊辰口於孝惠裏舍時年

五十有五武平五年正月壬戌朔十二日癸酉祔於先君之墓次暑往寒來  
天長地久勒高風於元燧播芳塵而莫朽其銘曰南通陽魏北接陰燕地爲  
全趙世挺英賢松貞筠直蘭馥芝鮮本枝盡茂口瘳同然種自龍媒篤生奇  
士似珠四照如驥千里心亡得喪色無慍喜自本窮末善終令始優遊卒歲  
載笑載吟一丘一壑橫古橫今財色是擯文史能珍人之愛我如玉如金聞  
自古賢少遊有語直道仕郡風流容與盛德涼溫州閭見許好善能至除惡  
必去時屬元龍我爲季弼意得魚水上下和密主耳亡身周旋無失年將十  
紀心之如一寸陰不惜尺日俄淪人生詎幾飄若栖塵一窻寒燼非復陽春  
死可贖也人百其身

右石正書未詳何人撰文何人書丹銘後記父道甯安東將軍瀛洲驃騎府  
長史曲陽男妻魏氏子四人妻某氏女七人適某人按成豐年間治南十二  
里張村王生某掘土得此石適有人掘去邑候  
劉寶楠見之從日生家移置署內東花廳中

唐

彌陀頌碑

顯慶三年

右碑正書額題大唐信法寺彌陀象碑三行九大字舊立本寺知縣劉寶楠  
移置文清書院東廡內按碑文縣尉鄭萬英撰前段泛言釋教後段備美真  
容末有讚詞模刻難  
辨茲節錄中段於後

太宗文皇帝重光御極體睿凝口始自憂勤宵萃飛於海外賜之仁壽拯塗  
地於寰中甦裘板屋之貧人口封而請吏雕題鏤胸之長歎郊甸以相趨蠢  
爾三韓不供貢職肆梟獍於君主施鳩毒於口黎士口憂惶道路以目既軫  
納隍之慮爰奮斯赫之怒爾乃親宏廟略問罪遼東義勇爭先水陸齊舉桂  
國李口徵都維那飛騎尉口遺願會應募一百人等懷忠應募蓄銳作口被  
組練之衣參熊羆之旅雖以王者之師有征無戰而蝥螋有毒儻或口凶遂  
乃同德同心願造彌陀像一鋪既而登口呆以電邁跨渤澥而天臨一戰寒  
旗瓦解冰泮擒鑿齒於華野繳大風於青丘刻琬爰於丸都飲驂驪於口渚  
元氏縣一百人等並推鋒於口杵之地賈勇於先鳴之晨崩丘山之隆賞預  
川坻之嘉會名節書於王府勳庸被於管絃竟免口於髮膚終不離於霧露  
豈非幽明叶贊神功不測者乎於是思報慈恩咸伸本願旁求班爾嗣彼優

墳墓寫真容極茲神變

按碑未詳何人書丹鄭夾深金石略彌陀贊鍾紹京書未詳疑即此碑

開進寺李公碑

開耀二年

按開耀無二年與前元像二年同

夫八龍荀里榮問在於當年駟馬于門餘慶消於中古亦有漢將軍之甲第磨滅成空魯司寇之華堂摧殘已盡豈不以泡露倏忽陵谷遷移寂寥千載煙塵四合雖復武陵州曲時逢李衡之樹山陽苑中頗見稽康之竹竟未能激揚真界取大壯於龍宮欽崇妙境授全模於象塔是用神居肅穆靈得支持縱石盡而猶存與金剛而不壞鞠遺踪於茂草彼或未思攀勝果於堅林我誠先覺開業寺者後魏黃門郎使持節衛大將軍陝州刺史都督冀定瀛相殷五州諸軍事定州刺史尚書令司徒公固安縣開國伯李公捨山第之所立也其地則前臨漳水金鳳騁光而振儀却負常山玉馬騰姿而絕影東瞻峻堞宛若香城西據崇巖依然雪嶺蓋全趙之盛地焉公諱裔字徽伯趙郡元氏人也珪璋盛德代資卿相之材鐘鼎賞遊人負河山之氣便繁竹使

入天門而上九重密勿槐庭登天階而步三級朱輪趨關拜天子於南宮黃  
閣當衝肅萃公於北里位望隆矣歡娛極矣乃喟然嘆曰假使門兼萬石不  
能遣生滅之源家累千金不能去吉凶之域以爲同生者物異物者超生滯  
教者方離方者會教挹三明而幣悟秉公正以虞求爰取泰於豐家庶推煩  
於朽宅及其高臺未毀曲池猶潄迴季倫之業作須達之園昔我宴居今成  
法宇變歌梁於月殿即下梵塵移舞觀於花臺還飄淨雪八功德水波通西  
舍之池四禪定林影庇東隣之樹余其考輪奐度崇高或仍舊而標迹或惟  
新而廣制隨方授矩基階因巨壑之形審曲裁規垣院取重巒之狀苕蕘香  
閣涌地神行窈窕禪樓中天化立千門遠闕當岫斷而全開百拱危承隱連  
峰而半出垂珠綴玉日月迴薄於山牕刻贊圖龍風雲吐納於巖棟優填靈  
匠盡變態而無窮闢幅真容極尊嚴而有睟青蓮目洪猶縱觀於南浮丹果  
屏開似微言於西竺詭狀千名而競出殊姿萬計以爭陳觸類長之能事畢  
矣先是有沙門僧明曇寶等並不知何許人屬魏氏之遷都隨孝文之戾止

咸以冥通勝範夙證良緣非聲聞乘是菩薩行洞機靈於物表屈形相於人  
間覩茲願力共謀經始當山道資冥助故使天降異人大矣哉諒福庭之最  
也於彼延昌之末錫其假角之名孝昌年際改爲隱覺自魏歷齊僧徒彌廣  
德均驚鷲數若稻麻泊乎周季道消艾夷像教斯虐主之稱亂其魔王之未  
降四韋八藏之文咸淪汲冢飛錫乘杯之侶悉陷秦坑遂使多寶堙覆支提  
廢毀散給助臣以充園第可爲長歎息矣公嫡孫襲固安伯祖元締遺成墟  
果蒙恩賜城侔越國淨王多後嗣之家地擬齊燈晏子據先臣之宅旣而蒼  
精失御赤運登符大弘妙有廣標彌刹慧日昏而還曙法流塞而更通祖元  
復捨舊居而爲淨域北堂安寢之處重扇玄風東閣招賢之所再流清暇遂  
能上聞旒纒光動絲綸以公淨業攸關更以開業爲稱首俄而毀室云謝波  
旬縱慝竇中法侶盡嬰塗地之災海內仁祠多溺滔天之浸維此靈構巋然  
獨存因大聖之依憑威傾六賊賴諸天之守護壞隔三災苟非至德通神奇  
工入妙其孰與能於此也皇明首出大拯橫流絜醉像而定昆陽斬毒龍而



清冀野返洎風於上葉集甘露於中枝都畿壯而帝服開國大淨而天冠敞  
蜂臺切漢方演化於時和鳳利臨雲尚韜名於朝命祖元第二子維摩武德  
年中趙定二州別駕屬乾坤漸泰曦望初華攀龍之茂績及宣展驥之休聲  
克著永言堂構題目闕如屢有申聞情逾懇至重使澤流玄地金輪轉北走  
之途煥發紫泥銀榜照東方之國粵以貞觀四年還賜舊額爲開業寺也上  
座圓徹寺主圓鏡都維那道英大德僧道寬智習圓一圓真道通慈倫道名  
等並董修戒範持護律儀騰逸氣於三空汎仙舟於八解鳩摩羅什望景傾  
魂雁門慧遠聞風動色且夫難捨能捨達人隆百代之基從明入明君子積  
萬年之祚誠哉斯道信而有徵公第五子子雄隋輔國將軍平東將軍左金  
紫光祿大夫通直散騎常侍驃騎大將軍儀同三司使持節豪州刺史鴻臚  
卿進爵高都公河北道行臺兵部尚書曾孫緯皇朝宗正衛尉司農三寺卿  
金紫光祿大夫荊州大都督府長史幽州都督戶部尚書太子詹事懷洛蒲  
三州刺史襲高都公緯弟俊皇朝揚州大都督府兵曹參軍汴州封丘易州

易縣舒州太湖三縣令朝議郎行商州司馬上騎都尉箕裘遞襲蕓蔗苑而  
彌昌徽冕相承託檀皮而轉盛大仙幽讚卿長則累葉無慙大覺顯仁公侯  
則連華必復詎比夫謝家遺宅徒擬甘棠韓國舊臺空傳酸棗而已但此寺  
爰初締葺迄乎崇麗公又發弘誓願圖徽曠坂乃建豐碑將符鏤鼎嗟乎十  
鳥傾日二鼠摧季空留白鳳之名未勒黃金之字俊第八子宣德郎行本州  
錄事參軍事雲騎尉崇哲即公之玄孫也風神秀巖器業甄明發揮經史抑  
揚詞翰申鴻漸於上籀屈鵬搏於中錄雖榮殊作牧褰轡之位未登而仕必  
還鄉衣錦之遊斯在欽惟舊德桓若先功望鹿園而拜首登鷲山而禮足於  
是仰挹緇徒傍詢碧礎剪荒苔而相質允屬謀孫訪麗藻而披文無遺小子  
乃命從侄尙一製文 尙一學謝探微詞慙析妙謝安庭序叨承白雪之篇  
韋孟宗祧敢述彤弓之詠庶使家風入偈抗佛忝以飛英祖德惟真積僧祇  
而不朽重宣此義乃爲銘曰 美哉東墅奐乎西帝榮耀一時湮沉千歲邪  
山易擁愛河難濟徒徇假名竟迷真諦其一達人藹藹情洞如如爰推別業式

建精廬跨谷彌阜乘危躡虛傍通碣館直拉漳渠其二凌雲之構匪日而就廣

制彌新崇基卽舊虬檐吐鰲鳳苑銜岫月落上楹星廻中雷其三有周滅德忘

棄眞寶睽彼伽藍咸成鞠草泊于赤帝紹隆玄道弊風一革慈雲再造其四漢

東鹿走燕南狼藉毒彼王城災延帝石四魔怙亂三乘泯迹獨此格提居然

不易其五功符化造事叶神憑妙物凝睟眞人效徵皇家鳳舉帝室龍興一戎

底定五濁攸激其六法門旣闢純源載返道賁荊山恩李奈苑雞峯仞積鶴池

波偃地絕風塵人多林遠其七七州論德四牡標榮猶嬰有待其悟無生我祖

騰懿天師配明還因梵筆永播家聲其八

右碑正書無額題碑面第一行書大唐開耀二年歲此壬午二月乙丑  
朔八日壬申李公碑并序李尙一篇武功蘇文舉書現立開業寺中

### 八都壇碑 垂拱年間

昔唐堯氏作奄有冀方晉卿族此裂爲趙國□□□□□□□□□□□□□□

□□□□□□□□□□□□□□□□□□□□□□□□□□□□□□□□□□□□

入相□於義形妙物□□□□□□□□□□□□□□□□□□□□□□□□□□

名山封龍之口有八因壇立廟遂爲號焉親親之道或謂昆季則檀口口口如桂有叢連蛻假蹇於庭之畔方丈之地八樹星羅間竦然見同氣長幼之象然而深根固口龍盤口據建殖時代人莫能知驗其磊落多古始萬年也蓋棟宇未作靈祇之所憑焉氣色青忿狀烟霏兮霧籠馨香酷烈若蘭時兮葦節左車降生之地休陰弘多漢明載誕之城方猷允塞豈徒川原之上祇稱明淨而已哉昔漢光和州將馮氏敬而不忘穀至兩錢感恩立銘盛績猶在自茲口後鮮或能繼雖明時聖日久屬昇平而旬雨谷風頻乖時候或蚩鳥荐出商羊屢舞顧畢昂之分野同壽椿之東西九年之儲汲汲於餬口萬人之衆敖敖以疚心獨我關亭不減平素匪惟神助亦在人宏宏之而誰可得言也時令蕭倭梁後口之幼孫陽羨公之愛子金陵地業夙著盛名玉樹時英少歸雅望禁樹極寵期黑頭以爲公數奇不調將白首而作宰安此下人頌聲載路承薛惟節曾祖暉列棘周代大父約剖竹皇家君之降生衆推必復青雲自遠口翔鸞於斗城非罪而來助割雞於子邑主簿趙延慶體兒

魁梧識度夷曠久而益敬芬若芝蘭仰之彌高邈如雲漢左尉司馬玄同器  
宇幽深學術該膽何思何慮運鬼謀於掌握玄之又玄窮道源於唇吻此等  
官屬實曰循良譬人爲龍如鸞佐鳳聰明正直道合於神蘋蘩蘊藻感而必  
應井邑之地水旱無虞疆里之間稼穡獨茂甫田歲計家積千箱栖畝餘資  
周給壹郡就蒙福祐更表休徵嘉禾白鳩往往間出殊根會帶示同心也雪  
羽霜毛旌潔白也酒食宴樂穆將愉兮未央暉光日新鬱紛紜而何極鄰城  
以之健美臺府由其籍甚禮祀相望掃除不暇刺史馮義故御史大夫安昌  
公之子也六藝俱學于何不長八體論功斯焉特妙褰帷露冕不墜家聲揚  
滯摧豪以爲己任下車未幾親行禮秩簠簋始奠雲滿四郊舞詠未終澤洽  
千里司馬雲陳有清邵之才負邦國之譽非其不可所寄無憂嘗以龍見密  
雲逾積甃紆鶴履明德是歆曾不崇朝滂霑而返司法參軍陳鼎量家保太  
丘之道官得于公之名俎豆之間知其可任其後徵旱又令禱謁曲加獎賄  
顧走爲文不以人廢言以應時流溢凡數齋告而屢有年八縣空倉壹朝重

實皆可案覆而敢公言只如呼木扣藤漣蘭薦藻日有萬計願無壹違可得而聞不可得而說也神之鄰里鄉黨列於碑陰者叁拾口人並地望時雄者年宿德每有邀福常所與祭荷明神之重施欲古廟之增修間伺農隙率先人願以垂拱元年十月一日依洪洞故事而興版築長垣百堵煙雲相連迴廊四注陰陽不測大厦中起巍然若扶幽邃窈窕不可談悉於是繪事八山署置叁面千巖萬壑宛在目前想宣父之名丘思啓母之爲石琢磨琬琰放象體勢方面列筵班白有序光流聲敷之祉從此而歸骨青耳細之奇望之如在巖巖焉森森焉人莫敢視口周訪之能安寢乎事畢功宏旣而口悅披文相質方議雕鐫忽有得神古碑有口無頌規矩裁製則光和碑之无偶也嗟呼人懷陵谷之慮兩地不孤神知修復之期千齡繼出氣衝積雪甍如埋口光照叢台終同返璧宰君重其神應嗟玩久之謂余曰抱璞俟時豈無人之別玉闕文有待蓋知來之如今其漢碑之建立也方伯馮君居右局神意人事余知之乎元質肆捨無聞壹命而仕地口鼎氣家累玉山承乏末寮亦

何足數雄文遽荐有覲於當仁吉事惟先不違於覃恩直書其事焉敢論文勒爲寶錄樹之於石蕭口時口簡貴事無妄得崇重明神敬恭繕寫鈎迴電轉金曜星繁庶以發揮幽明映徹今古口口君保又俾萬代垂光名之揚兮德之至神之來兮此無愧土之安兮岳之列若有人兮斯不滅口榮口兮口口閱

右碑正書尖頂穿項頂錄書大唐二字下分四行行二字  
隸書八都壇神君之寶錄八大字元賀撰文縣令蕭俠書

眞容像碑 長安三年

右碑無額題碑面第一行低五格書信法寺眞容像之碑  
井序長安三年七月十五日建立現立城內雲禪寺中

石佛堂碑 開化十二年

右碑行書額題大唐開業寺石佛堂碑上左角折斷第一行書大唐開元十二年歲次甲子三月日口口前洛州口口孫義龍撰并書字畫剝落三分之一  
一舊立吳村開業寺東知縣  
劉寶楠移置文清書院內

尊勝佛頂陀羅尼經石幢子

石幢正書偶雜行體共八面第一面書唐開元十二年七月十五日大衆寺  
上座僧智空敬造石幢一所石浮圖二所第八面書與第一行同舊立開化

寺今移文清書  
院西廡簷下

龐君清德碑 開元十四年

我國家再誓山河重懸日月明訓飭法覈名實之故典考績宣功甄象魏之  
舊章皇道煥口口口口而口緝熙而日用德維善口政在養人若令長子男  
銅章墨綬而尤善最者可屈指而知宣父中都大功灌邑童口口獸卓茂遷  
蝗男女別途鬼神是暴以今方古君何讓焉君姓龐氏名履溫字若水南安  
人也其先齊逢伯陵之裔曾祖口惲元勳佐命功臣第一等佐武侯大將軍  
封國公食實封四百戶贈幽平燕易媯檀等六州諸軍事幽州刺史諡曰肅  
歷數雖改口雷尙口披荊棘者馮吳佐元功者蕭鄧將盟帶礪畫象雲臺圖  
兼衛霍之容仕遂漢光之願疇庸賞懋食邑論封口同福并州大都督司馬  
饒州刺史左衛將軍安北都護外撰望殷銜珠口重匪親不擇非賢勿戾皂  
蓋南臨尋振卿之譽紅旌口卷式標鄭吉之能考承訓通事舍人鄭州司馬  
贊善大夫率縣令將作少口辭令抑揚綸鳳述旨題輿叶詠展驥治中洪洞



方樟允供於邦造激揚少乘贊裕於口山君純德天歆大材靈降龍章鳳彩  
凝脂點漆出忠入孝遊義依仁荒蕪四壁寥廓千丈代陪豐沛親預葭莩翼  
鱗翰之口口風雲之會漢表有外戚恩澤周詩有申伯口口起家補昭文生  
從勳閔也長安二年明經擢第尋授莫州司口宣州參軍功參軍事口滿丁  
二親憂痛瘁瑩枝哀酸鄰社往而不返杖而後行縗禫一年甫從常調開元  
十九年春會府遂拜公爲此縣令魯子臯之爲政口變口人漢源涉之舉能  
威行谷口庶矣富矣又口加焉道之齊之非君莫可君有善政者七風寇咸  
口於屬城澍稼獨滋於元氏其政一也頃以揚光斲口陰液乖司苗穗播興  
人或口顧公罄奠珪幣稽顙壇場俄而油雲四周膏雨百里其政二也闢土  
蠶畚用口分地勸口口而播稼課西成之銓歛躬臨樹藝親載酒醪故使夏  
農服田秋得其實其政三也詢知疾苦口患虛丁撫狀上陳應時申削籍無  
權稅人獲息肩其政四也修職奉符不爲進越下有鬱滯必掣肘諭言每課  
田租時臨調賦寬爲口約曾無再輸其政五也此地俗多僇伎踳躑彈弦素

曰難持更承變弛公整其銜策諛其權豪輒去害羣拔兆歛跡其政六也先縣館宅湫漏與百姓雜居公薄責人口先抽已俸雖與虛始而可以樂成其政七也是以廉平稱職西河知魯衛之風清儉當官南土變口齊之俗可大可久是謂賢人之德惟幾惟深以成天下之務公儀如繪畫神若轉規聲以聞於震雷用無待於周月惠如春露吏人不能窺喜愠之容結若冬冰貨殖不能動首陽之行蓄霜鐘於絳府有感必通棲月鏡於玄臺觸形皆照邑老謝慶格等並鄉庭積善口吏安排行義以達其道隱居以求其志相與族談城府錯世康莊懷德匪舒宣風技癢或叶帝閣而抒美或邀使駕而論功衆吏懷誠如寒附火於是圖徽翠炎託懿金聲其詞曰

清風汎濫兮其來溥茂宰馳能兮超卓魯雞犬相聞兮人安堵一同仰之兮如父母聽謳謠兮詞疾苦踰屬城兮光趙部趙武遺風兮多懷技君子爲之屏姦僞化澆浮兮勗以義邑口口兮市無二政勝殘兮仍博施如水火兮時不賈刊石鑄金兮遠傳懿直爲口良兮守名器

開元十四年歲在困敦律中夾鐘公口建前鹿泉縣令邵混之纂蔡有鄰書

前縣錄事謝績善

右碑分書屢經遷徙現立開化寺中

碑陰

古人有以觀河洛而思夏口

約短十七字

口義自忝毗佐三年於茲初口口他邑

口官或承乏外攝次年以郡口丁賦而役在使乎迨歸府從事口周星矣自公之暇聽頌輿人聞故宰廡公其人亡其德不朽有政理碑在龍山觀事往歲遷久之不樹埋沒空院人莫能知今良宰李公德厚君子繼美前政豈滯德音乎嘗試論之不謀同志乃觀其口製口嗟遺烈屬秋時賈豫雨後莓苔林石傾欹文字隱翳口口口刷口塵黷命匠人揆度形勢審龜背以勘碑喜魚頭之全魯上倡下和封之建之庶黃繭之詞昭然可見墨綬之美永示不謏時上獲寶符建元十有四載冬口口哉生魄縣丞博陵崔仲海字長口廣平宋暉口口口王張正覺口上座輔光詳口口齊褚道隱口前座張口興

右跋行書大約寸半共十行  
字多寡不等左邊碑棧損壞

熙甯九年春三月衛尉寺丞蓋君士龍爲元氏縣令之明年民和政休求訪  
古跡遂得蔡有隣所書龐府君碑於城之南荒野中惜其風雨摧剝迺遷於  
開化寺之三門焉開元中龐君有善政邑人感而刻石以頌其德於是邵口  
口爲之文而有隣爲之書唐世以分名口口口口口口口口口口口口口  
口人同得名於當時世傳韓史二家書甚多而獨有隣書難得觀其曲折口  
若口用力於其間間發奇惟偉然可畏真得古口之法口方碑之未遷也荒  
烟口蔓埋沒於丘虛草口之間塵昏土翳而日就漉滅前後所經者歲月既  
久而人爲口少矣然而曾未有側目以一觀引手以一拭况得口口之口哉  
今其既遷也人爭言其奇衆爭獻其力又何其與前日之不同也口夫天下  
之情口好惡常患不出於己而出於人所以天下事隨之以顯晦雖然求之  
顯晦固口時而時之所遭固有命此又非人之所以能口好惡者故愚言至  
此而有以口也榮陽鄭陶 守縣尉口口 守主簿張之文 熙甯十年七

月口日守縣令劉仲允命口上石

右跋  
正書

幽州刺史趙公墓碑

開元年間

右碑在城北毛遺村南二里許墓塚皆平地易數姓碑埋地中不知年月茲續修邑志訪求碑碣地主李茂林言伊地中有古碑一通掘土得之則趙公碑也行書前序後頌惜字跡漫漶不能句讀碑額折斷有州刺史三字文中敘公祖德係趙國後裔第三行有君諱保安字休甫趙郡元氏人也數字顯然碑側上載告戒子孫勿代園木之後有開元廿年十一月廿日將軍趙萬功告記十六字下載息孫六人以楚字排名皆記官銜可識者五人公議付地仍立故處

李夫人賈氏墓銘

夫人諱嬪字淑容長樂人也其先晉唐叔之後因別封而族焉遠祖誼以文傳長沙桓王漢帝滕之前席泊王莽末高祖復以創命功遂圖雲閣旌美之則本仁義淬文質守忠信者良亦多矣祖王父藝易州遂城縣令王父立操洛州洛水縣令烈考彥口朝請大夫闔州刺史皆踵前烈溫溫其恭澤流子孫世濟於美夫人妙閑閨壺明練威儀婉婉潛會於徽容工巧實資於柔德

有行之威儀鳳於飛聞既見之詩而矢心永畢公隴西人也舉賢良授宣城府其餘官婚皆列於別傳故不書遂能宮徵調和壘箴韻口奉蘋藻而修盟饋朝舅姑而事組紉嚙嚙啣啣聞唱必和豈圖昊天不弔殲我良人夫人感恭姜之遂孤痛顏子之不幸至哀而哭不在夜居喪而動必合禮遂其節忠其名守其婆矣以從父之弟任於茲邑因臻焉又能恤孤弱以口睦天倫以孝優遊自得喜怒不形誰謂六極蛾鍾遐齡不享以建中二年二月十二日寢終奄終於趙州元氏縣之官舍浹族銜哀舉門口痛春秋七十有六無子有張氏女一人泣血毀容殆將滅性以其年二月廿三日窆於七義原權禮也合防之志今則未從同穴之言他年口復從子文則哀迫懇到寄詞於石銘曰 於昭祖宗誕膺明哲爰泊夫人克勤禮節人欽嘉行族滿休聲心存大順志潔孤貞嘉行伊何合於內口休聲伊何軌儀不口物終歇滅道有湮淪哀哀孝口盡我生人一局泉壤萬歲千春

後一千三百年爲劉黃頭所發

此石於道光八年爲鄉民劉黃頭所發居千載上逆知千載下必爲人所發且知發者姓名古人數學之精亦奇矣哉予既聞此石而未見榻本同治庚午春來元氏得與石遇朝夕觀玩極愜素懷因識數語以俟後之同嗜者

左山

海豐張衍度

按夫人以名門賢淑少遭厄窮孤孀無告貞潔矢操千里奔波隨任茲土雖應耄耋之年竟作異鄉之鬼命途之舛以至斯極其從子文則爲誌墓云合防之志今則未從同穴之言他年口復是固知合葬之宜也乃銘後記云後一千三百年爲劉黃頭所發則其宅之時已預知其伯母之骨不歸故土矣所謂合防同穴果安在哉如文則數學之精固不可及

宋

忍字碑

忍之爲言耐也昔人有稱耐辱翁者正亦謂忍其於傳恕字亦近之夫人皆有血氣之稟七情之動然自聖賢下不能養氣制情運必酌義之歸者同途而趨孰不欲先人同席而處孰不欲上人無故被有疵辱則恕情噴張天地

易位鮮見禍敗不隨而至焉喪元隕身者有之覆家赤族者有之苟使人唾其面不較如婁師德人溺諸水不悲如孫登甯復有禍敗之事乎司空圖謂忍事敵災星杜少陵謂忍過事堪喜信乎皆美談也是故君子知忍爲最可恃者不獨忍疵辱困苦亦忍之不獨忍困苦嗜欲亦忍之三者之來一歸於忍不但爲君子雖至聖人可也然忍之在人固妙而人之能忍甚難苟能之矣鮮無其驗古張公藝九世同居閨門雍睦唐高宗問其致驗之方公藝書忍字百餘以進噫蓋以非忍甯能睦九世耶夫忍之驗不啻此耳事上而獲上待下而感下隨寓以之無所悔錯古人童白窮顯服此無數而以成德著稱者數不輟指噫古賢達人尙然況今之愚且賤者可棄此乎書君陳曰必有忍其乃有濟周國語曰求蓋人其抑下滋其他凡經傳格言稱及之者不能述備同志之士宜姑熟玩於斯

右碑係李昉撰文舊立縣治左後折壞明知縣田勛重鐫教諭展遠立於竹經閣前

北嶽廟碑

元佑三年



夫王者恭已無爲而天下治者何哉出於欽仁而已欽者足以事神仁者足以治人故內之廟廷則任之卿相外之郡縣則任之守令以相統治以成庶績其治民之道至矣於神不可不事故自口帝之尊宗廟之美祭有時禮有口也書曰望秩於山川謂五岳四瀆也二帝三王之時莫不昭事口口傳記封爵之貴無尙於公而在五岳則牲禮視三公也唐天寶中天子於五岳推布崇極之意口牲弊之物嚴祭祀之禮其在五等之制爵口封公逮乎皇口祖口口德有天下知事神之道存於禮曲在乎五岳則以封口口册尊號各立方岳之廟故口口爲要天九口皇帝加龍袞之服一同天子之儀既口之封於今爲盛先有洛昌口永發願心嘗詣常山岳廟請神來此口緝口口廟又於元佑元年有口口鮑榮何方重修厥廟并礎砌全備口口廟口明白記宏且壯不美不陋得口之中顧其社衆路安鮑宣何方等口有定制以陳祭祀牲肥酒口尊爵明潔降登有數神其口之莫不顯顯休休口口衆庶意每時有水旱必致禱祠下無不響答口乎口口之人以恭以敬篤信神靈

大高戩穀

右碑方百行書邑進士崔均撰文寧口鮑士京書並額額題重遼北嶽記正書六大字末行書大唐元祐三年七月九日路安鮑實何方立石碑在城角廟中

修真觀賜額記

封龍據抱犢金科間以勝絕稱山有觀久廢逮皇上崇奉高真名山福地皆置祠報貺政和癸巳詔以修真爲額前邑宰孫逸鄉人鄭藏唱率而觀乃盛宣和己亥春三月今邑宰曹崇之往省其未完以增葺之辛未與余同遊壬申還邑碧山崖以紀其事元氏鄭昂書明年秋觀落成遂刻此垂不腐云曹崇之書

右記在修真觀側巖石上鐫

金

封龍頌 明昌三年

太山之陽龍山首疊疊峯巒衝牛斗試劍巨石尙然存霹靂神鋒出無有

隆乾

藝文志太山山字作行字是

右碑行書大七八十字體竄屈具飛舞之勢額題縣宰昭  
勇南陽樊公題龍山額篆書十二字現立開化寺大殿後

碑陰

遊龍山記

金馬玉堂賢人君子得志者之所處也洞天福地列仙得道者之所居也夫  
洞天之高者秦華嵩衡恒是也自恒之陽巍然崛起於太行之東者封龍之  
山也諒彼恒亞回環望之四面如一迺曩時飛龍山也至唐明皇天寶六載  
遂易爲今名北有滹沱之巨浸右井陘之絕巖實鎮陽之壯觀非若群山之  
迤邐也龍首行雲而致雨獅子青毛而赤胷白羊牧兮玉石亂華蓋擎兮青  
松高鐘磬互鳴於梵宇金碧交錯於琳宮口石突兀吟臺崢嶸蟠桃植兮却  
老黃精產兮延齡至如奇峯惟石清泉茂林可使畫者口想遊者忘歸青城  
雁蕩不足美於西方巫峽廬山莫專名於南土復口徐童僊觀元振劍石徐  
童觀者觀在獅子峯下大谿之上中央平坦地多桐木花其花清香襲人其  
色碧可染衣作青碧色若移置他處則不口也觀中有數泉本宜栽口種荷  
曹仙姑悉云北嶽徐真君登僊之山也文山記云口元素因入山遇一老人

得藥一粒告元素曰服此則不飢吾本姓徐字元英口受長桑君牒召爲北  
嶽口史言訖化爲童子乘雲而去因得名焉郭元振者唐時魏人也少遊學  
於此山獅子峯前有石屹然高聳一日聞霹靂聲其石中裂俄有五色雲氣  
自石中出元振觀之口寶劍石罅中年十八舉進士仕唐睿宗朝出將入相  
又有東西中三書院其遺址存焉當時皆名儒碩士專門傳授聚集學徒恒  
幾百人置山長山錄以領之又有僊口跡琳宇連宮靡可縷述自漢唐而下  
棲真口士輩出其間神龍蟠池油雲鎖洞三晉之間不遠千里來請禱者莫  
不遂請以致農田鮮有旱乾之慮傳云山川出雲雨口口前所謂洞天者信  
不誣矣今有縣宰昭勇公於皇統四年六月蒙皇故兄左丞相鄭王判吏部  
尙書日時補口詔院令史貞元二年間口口累經歷任至明昌元年口口月  
來臨是口口諱倫字正夫中山武定人也祖上以口事策名本朝撫定以來  
同列者六十餘家比比無後惟公家與故右丞相石特口以胤益彰所謂積  
善之家必有餘慶也公之故人諱祈字口禪是時國家始分置六郡故右司

郎中趙通奉故吏部侍郎田中奉首舉公父口口部令吏爾後朝廷設討論所公父檢討唐朝文籍故事撮其精要立其規式同列者口口公之父取則也未及出職忽得病病間言曰上真有口爾當速來言竟而逝嗚呼不幸早世今昭勇公即其長子也公故父累增武略故母蓋氏追封南陽郡口口君公自幼慕老子之道皇統間於口會甯府遇一方外士授以虛寂元言深得其趣逮明昌辛亥歲七月上旬日遊封龍登獅子峯詣修真觀禮口口三口闕龍潭遊禪堂遍覽山中勝槩及前賢遺跡徘徊久之復至修真觀前登一巨石名霹靂石遂揮毫而作此頌夫公之慕道見於蚤歲其功名得失素判於胷中矣肆情高口不以窮達爲累飄然有方外之遊時口委有天長觀道士李公諱德清字子澄道業清高符水有靈時輩許之有德之流也從行者公之四裔德璋德暉德暉口修真觀監觀道士殷公諱德真字元道試經中口明達高士也性恭元言清虛篤道不樂紛華聞昭勇公遊封龍口所題之頌殷公以其口中之觀與今邑中觀乃口觀也由是召匠選石以刻厥

頌令僕志之僕本邑人也義不敢辭謹錄其實而贊曰

封龍聳翠兮上插雲霄峻極於天兮羣峯來朝峭拔千仞兮亞恒之高洞天  
仙府兮謝絕塵勞秀氣攸鐘兮多產時髦徐僊琳宇兮構山之腰高人逸客  
兮於焉逍遙吟臺書院兮遺址昭昭名儒碩口兮卜此來巢將相時生兮德  
比夔皇神僊輩出兮地口北條白雲洞口兮張果丹燒崔武遇神兮口氣偏  
饒金母池平兮不起波濤性能延壽兮黃精之膏實能却老兮曼倩之桃斬  
翁採藥兮聞風怒號殺彼毒蛇兮靖我西郊清泉數本兮滌爾貪饕雲潭興  
雨兮時濟嘉苗溫潤其口兮有玉之韜棟梁其材兮維松之喬畫者口想兮  
匪易揮毫游者忘歸兮俗口可逃我公來遊兮陟彼山椒道襟豁然兮志氣  
飄飄回頭俯口兮塵世煎熬須有所悟兮吐爾萍漂羽衣相陪兮人訝三茅  
題詩於石兮詞口淘淘銀鈎麗句兮有古風騷山神發雲兮感公所褒百里  
舊口兮疫癘潛消年穀豐登兮風雨和調功名遂兮聖世忻遭神清骨秀  
兮名列仙曹刻諸院口兮姑志遊遨傳之於世兮永作仙謠但記其實兮非

譽非要

右碑正書額題遊龍山記篆書四大字邑進士趙時中撰文邑人王權書丹東垣進士魯秉禮篆額

洪福院碑

大定癸巳

右碑正書封龍逸人楊雲撰文常山王壁書丹在紙屯村寺內

開法寺重建碑

正隆六年

右碑正書居士宋東升記平棘王孝彥書丹在南因村寺內

按金時崇尙釋教元氏寺院多蒙賜額皆有碑記大槩盛稱佛法文無可取二碑書法遒勁嚴整堪爲後學楷模故並志之

元

槐陽蘇氏先德碑

錄文後  
七古

至大年間

趙郡之蘇祖蟬媯自欒來鄙已有年安武之光節芥然俄爾國步遭迍逼槐陽卜築又一遷稍微更熾祐自天誠齋有志解倒懸永豐初仕政已傳口昌口効口更銓口口鄉曲陪詩仙翁媪八十五福全芝蘭玉樹森階前司農置身日月邊疏封雨露口口源深流長理不衍後人俱勿忘乃先

右碑在付村蘇赫禁中翰林學士承旨資善政大夫東征行省參知政事王思廉撰文並書同府儀同三司集賢院大學士趙國公王顯篆額

徐大令墓碑

錄文後頌

元統二年

生道生民有物有則君子當路禮誠不息君其口口勤學是亟挾書籍曹百  
緒成克掾主樞書經備法成口是容城民口咸凝口疇口郡給役詮口凶頑  
遂逝俊彥方迎境絕暴口雞犬無驚婚姻允禮怨曠奚興庠口序口樂口文  
征三新爽治四境口修賜陞承務無棣口侯祗期永口惠口口留惜其一瘼  
口口口平頭六秩深瘞宗丘裔能展孝筆勁鋒矛碣銘樹口遠播良猷西  
山口萃口口松楸

右碑在西都南半里徐公墓側正定路晉州教授諸郡王楚材撰文并書丹  
○按徐公以救世之才再陞授無棣縣尹不幸子孫式微靡有遺子舊志闕  
焉幾湮沒無傳矣聞有禁地數十畝村人分種鬼覓餒而幸豐碑尚在字跡  
未全剝落節其大略載在仕籍茲紀貞石復錄碑銘俾千百年幽光潛德從  
此發皇且以勉後之蒞民者

姬村神廟碑

至元十九年

右碑正書額題重修三公神廟之碑篆書八大字燕然米惠迪撰文并  
書篆額舊立姬村廟中知縣劉寶楠移置文清書院內節錄碑文於後



故趙國元氏西有山曰封龍去城乾維幾三十里爲全趙巨鎮也峻極數千仞磅礴百餘里王侯將相挺特於其中口山記載之是山西帶井陘中列六神祠圖緯言井陘之陽上當魁首前有六星兩兩相比曰三台即秦階也神之六祠應秦階六符之象東方朔言秦階平則陰陽和風雨時魏孫該神祠賦亦云元氏西界有六神祠吾觀其口然皆以三公題額焉

明

重修八都神廟碑 成化三十三年

右碑正書邑舉人智通撰  
文碑在廟中節文於後

郡之所隸南北相距名山二十有一由都望之山封龍之類則八焉○昔人以郡山口遠艱於祈禱遷於郡城之西門外立八壇以像八山蓋以時而祈禱也○漢光和四年州將馮公巡屢祈有應年穀二錢感恩之渥遂因壇立廟○自漢而晉歷魏而隋郡遷於邑東南三十里泚水上而神廟猶口然獨立經唐則天垂拱時守蕭公倏復葺治之况神又降其靈和氣以生賢才先

後而爲時之利漢興而左車產於北褚唐興而李庸本名右產於小留宋興而董樞產於同下今時若舉解擢左車之同里也

翟刺史墓碑 萬歷戊寅

日暮烏啼碧樹頭哀猿孤鶴遠林愁悲君何事臥荒丘讀口斷碑呼不醒而

今風月口唐州令人清泪濺松楸

浣溪沙

右碑草書大約五寸在翟北凡村東梁夢龍題并書

### 劍氣凌雲四字

右碑隸書立城南門外路北字大尺餘崇正年中州范志完書  
乃自陸清獻志靈壽不登寺觀後之修邑乘者奉爲準則吾元乾隆志其一作  
不并碑碣闕焉不載抑又過矣計王公修志之日迄今百有餘歲元氏著  
寺觀凡殘碑斷碣悉爲採摘欲徵百年中人物事蹟而千載不遺漏之案皆得  
確證如李喬乃吳村之人漏入高邑李靈實知本之祖機入趙州至無聞  
君生長有村疑塚多而紛紜致辨公元苗裔仕漢史筆闕而漣沒於廣武  
代以來官師人物志之遺漏者指不勝屈多於寺廟中碑碣得之嗚呼寺  
觀固不可濫登而碑碣則大有造於斯舉也此真石之志所不容已歟



## 故事

元氏爲古鮮虞國戰國初屬中山後屬趙國自趙公子元食采於此元氏二字始見於史冊雖爲彈丸小邑其間地方制度之遞嬗戎馬之頻仍罄竹難書爰綜稽往籍考之金石參之藝文詢之父老逸聞軼事有關世道民情之大者約略記之以備採擇之資志故事

### (一) 史事

#### 1 事紀

周

丙辰 赧王十年趙伐中山合軍曲陽取陽鴻之塞又取封龍

按史記赧王十年趙武靈王二十一年伐中山取鄒石邑飛龍東垣四邑飛龍即元氏也又按方輿記要陽鴻塞即倒馬關漢時謂之常山關

丙午 趙孝成王十一年城元氏縣上原史記

按正義上原在元氏縣西以地勢高平而名趙公子元封邑即以名縣元氏見於史傳始此

秦

庚辰 始皇二十六年分天下爲三十六郡以常山隸鉅鹿

史記

壬辰 二世皇元年張耳陳餘聞諸將爲陳王徇地者多以讒毀誅乃說武信君自

立爲趙王從之使李良略常山

綱目

癸巳 二年秦圍趙張耳以趙王歇走鉅鹿陳餘收常山救之

史記

漢

乙未 漢王元年冬十月陳餘擊常山破之

史記

按項籍立張耳爲常山王十月陳餘擊走之

丁酉 三年冬十一月置恆山郡治元氏

漢書

韓信下趙井陘斬陳餘趙王歇

漢書

按一統志泚水在真定府臨城縣西北二十五里源發元氏縣經高邑一城達甯晉入葫蘆河史記斬成安君於泚水上即此

統志  
詳山川志

戊戌 四年封張耳爲趙王以張蒼爲常山守相趙

漢書

按張蒼好書明曆天下圖籍尤善律歷爲漢名相

甲辰 高帝十年代相陳豨反掠常山紀帝

秋九月趙相周昌請誅常山守尉不聽書漢

按陳豨反常山亡二十城周昌請誅守尉上曰是力不足亡罪仍以爲守尉

庚申 高后七年改恒山郡爲恒山國紀呂后

壬戌 文帝元年改恒山爲常山省郡屬趙國書漢

按常山郡卽今元氏故城改恒爲常避帝諱

己酉 景帝元年趙王有罪削常山郡書漢

巳丑 五年立皇子舜爲常山王復置常山國紀本

癸卯 武帝元鼎三年常山王舜薨太子勃嗣遣大行齋治常山獄常山王傳

冬十一月漢廣關以常山爲阻記史

甲辰 四年復封常山王子平爲正定王析置正定國治正定縣以常山爲郡書漢

乙亥 元封五年初置冀州刺史領常山九郡書漢

癸未 天漢三年帝東巡還祀常山

史記

甲申 更始二年春正月大司馬秀自曲陽渡滹沱河發兵擊王郎拔正定等縣

按常山守郭晨間道至秀曰晨以一身從我不如以一郡為我北道主人乃遣歸

更始封宗室劉歛為元氏王

二月正定王劉楊來降新市元氏房子皆下

按正定王楊聚兵十餘萬將附王郎秀遣劉植說降之納楊甥郭氏為夫人於是諸邑皆下

乙酉 光武建武元年春正月帝北擊尤來大槍五幡於元氏連破之

按光武紀尤來大槍割髮變貌而遁今城西北七十里有割髮嶺即其地也

戊子 四年五月進幸元氏

陰后從征彭寵生顯宗於元氏

皇后紀

按建武二年漁陽太守彭寵反三年涿郡太守張豐反四年帝遣將斬張適彭兵屯元氏陰后生顯宗後漢書光烈陰皇后諱麗華南陽新野人初帝適新野間后美心悅之後垂長安見執金吾車騎甚盛因歎曰仕宦當作執金吾安妻當得陰麗華更始元年遂納后於宛帝以后雅性寬仁欲崇以尊位固辭以郭氏有子終不肯當故遂立郭皇后建武四年從征彭寵生顯宗於元氏萬年村現有始生堂梳妝樓故址

丁酉 十三年并西京十三國省正定入常山國仍治元氏

按後漢郡國志是年詔以正定屬常山郡

戊戌 十四年揚武將軍馬成屯兵常山

辛丑 十七年進右翊公輔為中山王食常山郡

漢書

壬戌 明帝永平五年復元氏縣田租更賦六歲

漢書

按冬十月帝行幸鄴與趙王栩會鄴常山三老言於帝曰上生於元氏願蒙優復詔曰豐沛南陽受命所由加恩報德適其宜也今永平之政百姓怨結而吏人求復令人愧笑重逆此縣之舉舉其復元氏縣田租更賦六歲勞賜縣掾吏及門闌走卒明帝曾拜李躬為三老

戊辰 十一年訪郭丹子字為常山太守

壬午 章帝建初七年秋九月勞賜常山趙國吏入復元氏租賦三歲

紀帝

按帝幸鄴過常山乃有是賜

丙戌 章帝元和三年春正月帝北巡諭常山等郡太守所過縣邑聽半入今年田

租紀帝

按論常山等郡守相刺見藝文志



幸元氏祠光武顯宗於縣舍正堂又祠顯宗於始生堂復元氏七年徭役

按始生堂在縣北建武間顯宗  
號此故名萬年村俗呼萬歲村

庚安帝永初四年春二月南匈奴寇常山

匈奴傳

辛五年夏五月詔常山諸郡繕塢堠六百一十六所

漢書

乙丑靈帝中平二年二月常山賊翟飛燕降

綱目

癸酉獻帝初平四年袁紹與黑山飛燕等戰於常山

袁紹傳

按自張角之亂盜賊蜂起博陵張牛角常山豬飛燕等不可勝數及張牛角死其衆奉飛燕為帥部衆寢廣殆至百萬號黑山賊河北並被其害

甲申建安九年曹操使張遼別徇趙國常山招降緣山諸賊及黑山孫輕等

三國志張遼傳

丙戌十一年除常山國

後漢郡國志

戊午後帝延熹元年

魏景初二年

魏常山太守谷習進美女薛靈芝

魏志

晉

戊辰懷帝永嘉二年春三月劉淵遣石勒寇常山安北將軍王浚擊破之

按劉淵遣聰等十將南據太守石勒等十將東下趙魏浚擊破之

己巳 三年漢石勒寇常山秋七月王浚使鮮卑騎救之大破於飛龍山

晉書

按勒以張寶爲謀主集衣冠人物別爲君子營陷冀州百餘壘慕容廆自稱鮮卑大單于

壬申 六年漢劉曜襲晉陽陷之劉琨奔常山

通鑑

按琨素養豪聲色除潤以晉律得幸驕恣護軍令孤盛數以爲言琨怒殺之琨母曰汝不能駕御豪傑以恢遠略而專除勝已禍必及我盛子泥奔漢具言虛實漢主大喜遣祭曜將軍寇并州以泥爲鄉導琨聞之東出收兵於常山且遣使求救於代祭曜乘虛襲晉陽琨還不及帥數十騎奔常山泥殺母

乙亥 愍帝建興三年詔進猗盧爵爲代王置官屬食代常山二郡

晉書

戊寅 元帝大興元年劉琨遣焦球攻趙常山斬太守邢泰

石勒傳

翟鼠寇常山石勒討之

晉書

己卯 二年後趙以常山等郡爲趙國

石勒傳

庚辰 三年段文鴛救邵續於冀州不及掠常山三千餘家以歸

晉書

己酉 穆帝永和五年趙石冲移檄討石遵至常山衆十餘萬

按石遵弑其主世而自立石冲帥師討之

夏四月遵遣石閔拒石冲大敗之獲冲於元氏

壬子 八年劉顯攻常山魏冉閔擊敗

冉傳

夏四月燕慕容恪取常山築安樂壘於九門

恪傳

冉閔奔常山慕容恪大破之執閔以歸

慕容恪傳

五月燕慕容恪屯兵淖沱守將蘇亥棄常山奔十二月常山人李愷反慕容

恪討降之

慕容恪傳

癸丑 九年燕以慕容霸守常山

按慕容垂初名霸慕容恪薦其才可大用使守常山

戊午 升平二年燕常山得圭璧遣尙書郎段勒祀嶽神

慕容恪傳

按是年常山大樹自拔根下得璧七十圭七十三光色精奇偶以爲嶽神之命遣祀以太牢

庚辰 武帝大元五年秦行唐公恪反兵出常山符堅執而免之

符堅傳

甲申 九年燕將慕容鮮攻秦常山中山拔之

晉書

五月秦邵興北引符護苻定兵於常山

符堅傳

秋七月苻謨等以常山降燕慕容垂

睡傳

丙申二十一年冬十月魏王珪使將軍于栗磾攻常山拔之

丁酉安帝隆安元年三月慕容寶割常山以西奉魏魏許之

道武紀

戊戌二年春正月魏王珪幸正定移常山郡治於安樂壘

按自漢王三年至晉隆安二年共六百零二年凡書常山郡國皆就元氏故城而言安樂壘在正定府城西南十八里魏書道武登常山郡城北望安樂壘美其名移郡治之

丙辰義熙十二年魏常山民霍季作亂伏誅

北史

丁巳十三年秋七月魏常山民司馬順之謀亂於封龍山伏誅

北史

按順之入常山流言惑衆稱受天命年二十五年應爲人君遂聚衆於封龍山爲大盜趙德年所執送京斬之

北齊

甲戌天保五年

梁承聖三年

夏齊主擊柔然於恒山敗之廢樂城元氏

齊書

隋

丙午文帝開皇六年廢常山郡存恒州復置元氏縣

隋地志

按自齊天保五年至隋開皇六年共計三十三年縣廢

丙辰 十六年置靈山縣

按靈山在元氏縣西二十餘里東西城角二村之間

乙丑 煬帝大業元年廢靈山縣仍入元氏

按靈山縣自置至廢共計十年

己卯 恭帝皇泰二年劉黑闥破元氏

按是年李世勳欲歸唐恐禍及其父謀於郭孝恪孝恪曰吾新事竇氏動則見疑宜先立效以取信然後可圖也世勳從之黑闥漳南人少驍勇與建德獻又擊新鄉虜其將劉黑闥賈建德由是親之黑闥漳南人少驍勇與建德善後事王世充常竊笑其所為世充使守新鄉至是建德署為將軍使將奇兵東西掩襲往來乘間奮擊克獲而還元氏之破當在是時後移縣城於槐水之北即今城之

唐

壬戌 德宗建中三年五月王武俊反將步騎萬五千人取元氏

按武俊之始誅李惟岳也遣判官孟華入見上問以河朔利害華性忠直有才略應對慷慨上悅以為恒冀團練副使會武俊有異謀上遣華歸諭旨地華至武俊已出師華諫曰聖意於大夫甚厚苟盡忠義何患其職爵之不崇救

魏州昭朔方節度使李懷光將步騎萬五千人東討悅且拒滔等通鑑參武俊傳

丑辛 穆宗皇帝長慶元年十一月裴度敗王庭湊於會星入元氏焚壁二十有二

書唐

按十月詔裴度爲鎮州行營招討使討王庭湊

庚成 昭宗大順元年九月李克用前軍李存孝攻元氏

亥辛 二年晉軍連歲攻趙常山存孝爲先鋒下趙元氏

五代史

丑癸 景福二年二月李匡威敗晉於元氏

按鎔求救於匡威匡威以五千騎趨元氏敗克用鎔具斗酒會之於藁城餉金二十萬以謝存孝係李克用義兒猿臂善射身被重鎧槩弓坐於藁城餉之匡備怨及其救王鎔也誘其軍亂而自立匡威不悅其弟匡僞妻而淫其弟而將奔於京師二人凶惡而元氏屢被其害何不幸之甚也參五代史存孝王鎔傳

庚申 光化三年秋九月朱全忠攻鎮州次元氏

梁五代

丙子 末帝貞明二年梁劉鄩襲魏州晉兵攝之至故元城西

按放元城西即舊常山郡元氏之舊城西偏也

宋

西丁 太宗至道三年鎮州行營鈴轄李繼宣逐契丹於豐隆山砦宋史

按正定屬下別無豐隆山砦惟元氏封龍山砦險阻異常可保以自固繼宣伐木治常山橋襲之契丹懼且拔丹兵敗於懷德退保豐隆山砦以自固繼宣退保豐隆山即元氏之封龍山無疑

仁宗嘉祐間創建文廟

按文廟舊址在縣治西北隅知縣田照鄰建江西曾宏為記○見藝文志

庚午 哲宗元祐五年改建文廟

按今廟在縣治東南隅知縣曹景移建有記○見藝文志

元

秦和中祭酒張德輝將文廟復撤新之

按重修碑記係翰林學士李治撰○見藝文志

大德五年知縣董繼昇重修文廟

按碑記係參政王思廉撰○見藝文志

順帝至正末年元氏被兵城潰並文廟燬之

按元史至正二十七年詔也速自河間以兵會高取正定不克時正定爲擴廓帖木兒據守故詔也速會高關保等取之城不下也速仍進河間元氏被兵疑在是年

明

洪武初年知縣謝止重建文廟

景泰間知縣杜確重修城垣週圍五里許高二丈五尺

按元氏縣城移槐水北原係土城知縣王鑑之姚文明沈鑑周居魯俱重修有記○詳建德志

丁未世宗嘉靖二十六年創修縣志

按元氏舊無志邑人李永有手抄志稿知縣周居魯從永家得之創修付梓

神宗萬歷三十年知縣盧永改建石城工未竣卒於任知縣劉澤深續其成功

詳建德志

癸酉懷宗崇禎六年元氏被兵



按左良玉敗賊於武安沙縣流寇萬於自河南太行馬嶺而來畿南盡為村  
害劫掠鄉村燒燬盧舍人民逃散縣令閻嗣科預備有方未致破城而鄉寇  
之被害已甚故耿烈女曹烈女張烈女  
俱被賊強掠遇害有傳見烈女志

吳梅村綏寇紀略曰流寇以崇禎六年正月為左良玉敗武安遂從小河八  
入正定等縣井陘道寇公從化撤守李廷玉等堵截我兵失利賊勢猖獗  
月賊犯趙州抵甯晉及南宮是時元發復不自保賴井陘道寇公與大名力  
盧象昇文武全才協從太行山西一帶百方守禦而卒以左良玉尾後大名  
於六年十一月賊乘天寒冰合自灤池縣之馬蹄  
窩率衆南進畿南於是得安枕矣其篇名灤池渡

立義勇三營獲奸細王淮賊首抹羅一盞燈斬於市

順治志

按流寇盤據山西率快壯並鄉兵戰於時家溝富義鄭國彥康文斗等皆戰  
死恐賊入城又招選鄉兵一千五百名立勇正左翼右翼設將官三員等皆職  
撫院給守備劄委用操練如  
法晝夜城守不懈獲賊斬之

六年巡撫移鎮元氏

順治志

按是年流寇入境巡撫移鎮元氏文武上官併  
各將官往來絡繹不絕兵燹連荒其何以堪

九年十一月響賊馬四等攻欒城元氏備警

十一年十二月初四日賊兵至元氏城潰

按元氏改建石城小而固又近西山諸寨是年避難元邑者十餘州縣聞山賊  
至有逆者被害更慘民咸震恐知縣劉業麟因事急無奈開城門令縣民逃聞山賊

中故城雖潰而民未被慘禍後民爲劉業燦立祠  
祝之是亂郡烈婦閔烈婦死之有傳 見節孝志

卯己 十二年添設練總一員統兵四百名分爲兩班營名振武總練張克敬彙陞

撫院副旗鼓候用知縣張慎學於振武練兵之外更設揚武一營鄉兵六百

名以把總七員統之

順治志

午壬 十五年夏四月大清至欒城元氏聞警

申甲 十七年闖賊陷京師畿南郡縣悉置僞令

按元邑僞令李若宗於三月間至城內義士么渾欲起義兵被若宗擒獲不  
屈收獄舊縣令董有聲避房關帝廟至五月內逆關西匪奉令下若宗獄士  
民推董公  
權知縣事

清

申甲 順治元年盜聚封龍山知縣董有聲勦滅之

順治志

按時西山賊邵次宅飛虎將軍馬魁等數千嘯聚於封龍山董有  
聲會同獲鹿欒城擒獲邵次宅馬魁等斬之盜悉平民賴以安

冬十月詔蠲明季加派煩征

西乙 二年知縣王道興重修文廟成

按明季廟貌圯毀知縣王道興以教化  
必自學校始故先修聖廟以勵文風

丁亥 四年重修縣志成

按知縣祖永燕聘邑  
紳智鳳肅纂修之

乙丑 六年修築郭墻疏濬地池

按明季屢經兵燹城雖修治完固不無  
傾圮知縣祖永燕因舊補修疏濬城濠

壬辰 九年勅刊立臥碑設於明倫堂之左曉示生員永爲遵守

巳卯 康熙三十八年重修文廟成

癸巳 五十二年恩詔滋生人丁永不加賦

癸卯 雍正元年詔以二年爲始將人丁銀攤入地糧內征收訖每年十月將民數

同穀數申報

甲辰 二年知縣康世徽奉勅建立節孝祠外建大坊一座春秋二祭

按節孝祠在縣治  
西北隅祠存坊圯

戊申 六年知縣孔傳焯重修文廟

庚申 乾隆五年知縣張慎言設立社倉

十六年元氏把總調換城守外委一員移撥元氏汛

按元氏舊有把總一員因太平日久裁換外委

丁丑 二十二年重濬金水河

按明萬曆四十二年知縣蘇繼歐會率僚屬督民疏濬婉轉通之清水潺潺而東絕無衝失有記見藝文志

二十二年知縣王人雄重修御箴坊

按舊坊係碑亭今改建木坊

戊寅 二十三年知縣王人雄重修縣志成

教諭鹿祖蔭訓導劉漢直重修至聖先師殿

乙卯 六十年知縣陳鳳翔創修文清書院成

按詳文清祠先在學宮左書院即在祠內建房令士肄業其中並無另置書院後知縣陳鳳翔於開化寺西創建書院即今地基

壬子 咸豐二年知縣劉寶楠重修文廟

按文廟基址宏大殿廡墻垣俱圯知縣劉寶楠僱同教諭甯鸞賓率紳士勸捐重修內外嚴整廟貌輝煌

重修文清書院

癸丑 三年秋九月粵軍破趙州欒城元氏備警

按粵軍自南來九月初二日破趙州初三日破欒城元氏與趙欒接壤民搖動逃散者十室九空土匪因以煽動知縣郭珍督率紳民登城保守並擊擒土匪二名立剗梟首示衆初六日賊竄滹沱河北民心始定

丙辰 六年奉行鐵錢

按咸豐三年奉行鈔票鐵錢又鑄當五當十當百及至當五百一千者元氏惟用小鐵錢與銅錢二八相輔而行至咸豐九年因行使窒碍停止

壬戌 同治元年冬十二月叛勇宋景詩率衆由獲鹿竄入欒城元氏備警

癸亥 二年春三月馬賊竄至城東北諸村均被擾害

按十二日長時賊由趙州界竄至城東曹南因董家堡城北郝村院家等村邊馬延途奪掠大隊晚至欒城諸村莊夜焚火光冲天元氏乘家逃遁延途燈籠自平地至山數十里絡繹不絕時各府州縣皆設團防知縣王啓俊立局團練諸同寅爲之輔紳士贊襄其間捐置鎗砲軍器養勇百餘名城關舊有十家牌於十家中探一局紳士五人爲牌頭即以十人爲一隊以牌頭爲隊長又按五色期分五大隊以在局紳士五人爲牌頭即以十人爲一隊以牌頭爲隊長隊伍登城守堞鄰封與境內鄉民入城避難者不下數十萬人賊聞有備向東北而奔

秋九月知縣王啓俊補修城堞挖濬池濠

按塚堞多圯池深久淤知縣王啓俊因馬賊屢次往來元氏又與驍趙一接千故借書院一百四十餘金修補城堞又按社派夫着自備薪米週圍挖一堞四百八十餘丈寬三丈深一丈五尺

丑乙 四年知縣王啓俊重修重門三合

按元氏城東南西南三門舊有重門年久圯毀知縣王啓俊按舊制復造重門三合並整修門洞

卯丁 六年冬十月梟匪竄至城下附近村莊均被騷擾

按是年正月間梟匪又起知縣王啓俊以團練舊有成規更爲整飭守門守城無日敢懈至十月初七日賊由趙州樂城竄至滹沱河岸是夜由滹沱河守南經獲鹿縣至初八日辰刻至元氏泉村段村已刻住使莊馬村二村之間馬皆解鞍賊入村搶掠午後官兵由東來賊聞兵至南遁至院家村東南之彭家莊西官兵追及賊多兵少相持時分賊屢馳馬冲突官兵不動西刻賊至鄰村南豬龍河間屯聚移時至城下折而西經墨池紙屯諸村南渡泚水夜至晏莊住宿次日南通

戊辰 七年春正月捻匪張總愚從甯晉藁城北犯元氏備警

甲戌 十年重修縣志 知縣胡岳聘邑人王鈞如纂輯

光緒三年大旱人相食豁免本年錢糧差徭

四年白蓮教匪作亂暗翦人髮辦人民惶恐

按教匪猖亂京師河南各地元氏未受劇害但於不知不覺中髮  
辮被人剃去心煩作嘔甚有喪命者以故人民驚慌不敢外出

## 二十二年封龍山土匪擾害地方時出綁票行規

按當時土匪遍地時有搶劫案件經貢生王化南赴京陳於當路李  
御史念茲代聞於朝嚴飭正定鎮協同各縣緝匪不數月勦平之

## 二十六年拳匪作亂於京師元氏亦有設壇習拳術者然爲數甚少

按是年拳匪作亂牽涉外交八國聯軍進駐正定獲鹿一帶光緒奔至西安  
劉光才董福祥軍隊過元氏城北一帶至城西南佐鎮駐月餘西進至故關  
娘子關駐守

## 二十八年築京漢鐵路經過元氏

## 三十年奉令設立巡警局

是年改建文清書院爲官立高等小學校向民衆募捐二萬四千緡以六十  
緡建築學舍一萬八千緡發商生息作爲學校基金 另有改建小學記

## 三十一年科舉停設立師範講習所又設立勸學所

三十二年奉令改巡警局爲巡警總局分設十四區於境內各區設巡長一  
各村設巡警一人歛由各村按門戶攤派是年春封龍山教匪倡亂知縣李

士田率兵勇剿平之

宣統元年強迫人民服國孝違者鞭楚剃髮者以漆塗其頭禁演戲及樂器  
二年奉令組織參議兩會設立息訟所差徭局

三年陰歷八月十九日武漢民軍起義推黎元洪爲都督元氏備警十月吳  
祿禎在石莊遇難逃兵四竄至元民驚慌

民國元年裁撤城守營改知事爲縣長改鑄印文將印璽滿文取消下翦髮  
放足令是年奉令取消陰歷以陽歷爲正朔取消教諭訓導兩教官改典史  
爲管獄員

三年奉令取消參議兩會四月奉令驗契是年紳士等將文廟柏樹變賣修  
葺文廟

按元氏地方政事向歸紳士經理議參會成立遂由各機關行政會議表決辦法主持一切修葺文廟即第一次議參會與紳士之合議而成也

四年設立女子小學校



五年商會成立是年袁世凱稱帝民國五年改爲洪憲元年旋即取消  
六年縣政府實行改組取消班房設書記科並設立征收所管理財政

七年封照寺和尚名淨和者勾結土匪謀亂未成

是年三月三日傍晚有教匪百餘人分聚東南兩關經縣察覺飭警捕獲匪徒李苟寶等十餘人並獲刀劍鐵棍小水瓶黃標紙等多件縣長王炎提訊該匪等供認擬進城劫署殺官劫獄放犯等情不諱王縣長迭電請將首要就地正法以昭炯戒上峯疑爲張大其詞屢次駁詰案遂懸而未結迨六月六日午變城縣發生教匪入城殺警劫獄重案即經冀南鎮守使王懷慶派張營長督隊駐元專辦燬案獲匪數名又經王使電奉省長令准將燬案提歸元氏縣連同元案匪犯李苟寶等一併審辦並奉派委來縣經王縣長會委審實擇要呈准正法從犯分別擬處一併刑逸匪淨和遠屬未獲其亂始平先時曾傳佈歌謠云三月三殺王炎殺了王炎就佔五馬山

八年重修縣署大堂勸業所成立是年奉令西廡先儒位下增祀顏元李璠  
九年直皖戰起奉軍鮑德山旅長駐元氏

十一年奉令設立保衛團

十二年奉令勸學所改爲教育局

十三年建築中學於元氏城北奉令組織議參兩會於八月成立取消各項

差徭並捐穀是年直奉二次大戰晉軍出娘子關佔京漢路中段命名定沙鐵路國民二三軍駐元氏

十四年十月國民二軍以牧槍爲名赴蠡村勒索洋數千元其他各村受害者不可勝計後國民三軍又向縣政府勒索民有槍支人名號碼底冊赴各村按圖索驥獲得槍支無算村民不堪其擾

十五年吳佩孚自河南返攻國民二三軍晉吳合作正月晉軍駐元氏與國民二三軍戰於大陳姑寺間國民軍東竄直魯軍徒步南下

按民國以來軍隊徒步行千里

自此始經元氏閻治堂部之十七旅駐蠡村席捲村民什物捆載至城內變賣

車有八九百輛之多皆沿路向各縣各村勒索財物

一時元氏城內如市場次日南逃席捲之物一如

前日元氏之受兵災未有如此次之甚者十一月奉軍南下駐元氏城一帶及城北蠡村段村張掖等村旋即南下十二月又有奉軍南下每日兩團連過六日駐城內暨城廂附近

十六年南佐鎮附近土匪甚熾白晝橫行街市居民不敢言匪等槍斃奉軍

一騎兵奉軍自石莊來駐里余村縣長劉傳基帶警團四十名協助剿辦一鼓滅之是年紅槍會自高邑贊皇來迫民入會詐取民財愚民受欺者不少奉軍騎兵連長李傑臣派兵剿之會匪由是斂迹

十七年奉軍岳兆麟隊伍駐元氏城西一帶與晉軍相持有三月之久鄉民損失甚鉅九月間晉軍自鐵寨門東下駐蠡村一帶韓復榘北上經元氏是年正月有冒充軍隊百餘名聞係某軍長放至夜則到處搶掠經樂城警團

協同元氏警團協剿匪兵四散

按元氏自入民國以來元氏之駐軍隊未有如十七年之多民衆之負擔亦未有如十七年之重

是年縣黨部成立議參會取消設立財務局實業局改爲建設局縣公署改稱縣政府並改鑄印文知事梅華發將大堂東房屋折毀改爲中山公園鐘鼓樓改爲通俗圖書館改大街爲中山大街設立救濟院將鐵屯改稱民權村是年奉令直隸省改稱河北省又成立放足會嚴查罰辦成效大著

十八年奉令設縣立醫院

十九年軍駐元氏城廂並附近村落及使莊一帶在城沿地掘戰壕自萬花山起經南關牛房莊至欒城葉城一帶綿亘百餘里又自元氏至寶坻修汽車路民困力役無不怨者是年區公所成立共分五區

二十年六月一日縣志編纂處成立七月石友三倡亂逆軍自順德經元氏北竄至定縣東至束鹿辛集一帶與奉軍激戰敗潰元氏偽縣長馬惟瞻在職五日石軍兵敗舊縣長王自尊奉令拘禁偽縣長解至省府九月奉財政廳令催差徭

按元氏差徭自民國十四年議參會議決由撥還兵差款發商生息即將息金撥解差徭不向民間攤派嗣因續辦兵差此款提用十七年六月適奉戰地政務委員會令飭蠲免於是取消差徭遍傳鄉里至十月奉財政廳令以差徭已編列本省歲入預算作為解庫之款不准取消但鄉民依然觀望延不照交茲奉令飭經縣實行催收矣

又九月自治籌備處成立十二度量衡檢定所成立

## (二) 軼聞

順治三年知縣宮廷珍選士之優者高允劉藻耿振鱗曹淑貞高璋智瑜智珥

元日縣志  
李灝李浣張雲翼高一偕牛樞石爾瞻等十三人朔望會文於明倫堂命曰指

名社

順治志

城北泉村有古井一相傳食其水者主壽近今有王洛騰者壽八十五歲其妻八十一歲騰之父九十五歲母八十三歲又有胡氏名理者現年八十歲其母田氏八十三歲理之祖胡金梁八十六歲祖母錢氏八十四歲叔祖母吳氏八十五歲嫂李氏九十六歲其姪現年七十五歲二氏近井居食其水久故壽多高

次恭讓墓碑著爲本縣知縣乾隆志往代用人無方其果然與按東魏元象年間三級浮圖碑著趙文奴兄弟皆元氏人相繼爲本縣令則次恭讓之爲本縣知縣不必疑矣

咸豐八年春歲大饑饑民膺集欲作難宋曹村紳士王壽之王亭之王昶之暨善興當各酒店議曰饑民作難必自宋曹始然本村安靖則外來匪徒無間可乘矣於是查貧民男女老弱數百口每人給大錢九百文使糴糧焉人賴以安

宋曹村城東巨鎮也咸豐三年水潦民饑八月間粵軍竄入直境九月初由柏鄉趙州北竄所過之處土匪肆掠十二月十五日某姓發喪村四面爲匪所圍如蜂攢蟻聚勢甚危急知縣郭公珍聞之親率兵勇至宋曹彈壓連獲數人匪始散

南佐村西鐵山有三峯在路旁者二高尺餘相傳村人有掘視者愈深愈大不可窮究仍以土掩之至今峙立其一在村中某家院內

城西北胡家莊山坡有洞口方丈餘外有石上有紋作二龍戲珠式宛然如畫洞內週圍穴甚多時鳴鳴作響風從洞出他處則天朗氣清如故也每當天氣昏暗洞中噴薄如霧如烟颼颼之聲山鳴谷應田禾假覆甚至樹葉剝落居民以爲有魔窟焉豈其然歟錄之以備科學家之研究

李左車元氏人韓信破趙教以按甲收兵非惟爲韓計正安全鄉之至計也今韓臺村西有土阜三相傳爲韓信駐兵遺址正定府志韓信井陘破趙納李左車按甲休兵牛酒饗士恒山一路受福不少郡人至今祀之愚謂祀淮陰固宜

廣武君尤宜崇祀

(二) 災祥

順治三年蝗自南至縣東縣北秋禾一空未至先有大鳥類鶴蔽空而來各吐蝗數斗蝗即群集奉文豁免災傷糧銀

乾隆志

四年飛蝗四至如紅雲麗天蔽日無光落樹折枝集禾仆地厚尺許食禾頃刻立盡奉文豁免災傷糧銀

五年自春徂夏晴少六月雨二十五晝夜牆垣盡倒房屋漏塌近山近河之處禾稼皆淹沒奉文豁免災傷糧銀

康熙七年秋連雨七晝夜城外水高數丈將進塚口縣令一豕一羊投諸水水乃退

三十年七月禾將熟大雨雹禾稼盡傷

三十一年二麥大熟秋復大有

三十六年蝗蟲食禾殆盡民大饑縣令爲民放飯

三十九年七月十五日大雨雹雹大有如拳者禾稼盡傷

五十二年二麥大熟每畝石餘每斗錢五六十文秋又大熟雜糧每斗三四十文不等

五十三年禾稼甚茂既而大旱五穀未秀

六十一年正月十二日大風霾雍正元年亦同二麥盡乾民大饑縣令南關放飯死者枕籍夏秋大瘟人死殆半

二年二月初六日大風霾

四年夏四月大瘟

六年秋禾熟

七年春旱二麥不熟

乾隆五年縣屬姬村六月疇生徧野鄉民竭力撲之數日淨盡幸未成災

八年五月二十八日至六月初六日薰熱難當入多喝死初六日未時得雨始安



元日縣志  
十年七月初六日大雨雹禾稼盡傷復種植又大旱晚禾皆秕

十七年六月初旬飛蝗自北而來數日向南而去至七月間遺蟪大發城西北諸村幾徧原野撲之不滅秋盡乃消

十八年雨雹糧價昂貴黑豆每斗八九百文小麥每斗一千二百文

十九年雨雹七月二十日雨至二十九日晚止墻屋倒塌過半

嘉慶二十二年飛蝗自南至秋禾一空黎民大饑奉文豁免糧銀

二十二年飛蝗四至如紅雲麗天蔽日無光落樹析枝集禾仆地厚尺許食禾頃刻立盡秋禾又空民饑甚奉命豁免糧銀

三十四年六月雨二十五晝夜始止屋宇坍塌禾稼俱傷連歲災荒民不聊生幸各鄉有出粟濟貧之舉又奉文豁免糧銀故未至流離

道光元年陰症大發人傷無數八月初一日行過年禮所以避災

二三年大雨傷禾平坦生泉水流皆月餘

七年七月間飛蝗入境晚禾不熟

十年四月二十八日風雨並至三日始止是年地震者三惟閏四月二十二日震尤甚樹枝掠地井水滄出

十一年十二月間雪降深四五尺許

十三年秋七月黑蟲傷禾城東南蘇宋曹一帶尤甚後有群鴉所食秋收減大半

十五年春早晚苗茂盛至七月初七前後穀生黑蟲食葉殆盡

十七年大旱歲荒

十八年雨晚八月十六夜即降霜禾盡乾

十九年三月初六日午後大風霾白晝秉燭至六月始雨後乃旱禾不熟八月十九日雨雹厚尺許北鄉大受其害

二十年至二十六年五穀豐登

二十七年大旱飛蝗四至如雲麗天是歲荒歉

二十八年春旱六月十八日大雨秋大獲

三十年大熟

咸豐二年皆大有秋糧每斗一百餘文

三年四月二十二日申時地震麥熟後大雨七月初九日烈風雷雨拔木無數十八日至二十三日淫雨六晝夜禾頭生耳井水溢路旁泉湧平地水流月餘又二十日後連日天鳴東北起西南止皆卯時八月城西北諸村霍亂大作人死無數九月初一二三日粵匪經柏鄉趙州樂城過元民逃散幸未入境

四五年秋夏俱熟

七年五月二十八日飛蝗自東南來麗天蔽日落地頃刻禾盡蝗去蝻生橫行徧野疾如流水勇如行軍鄉民挑壕防守晝夜不敢懈者十餘日城西北諸村尤甚趨集滿乎街巷食難舉火睡不成眠坑上小兒幾爲吮嘔而哭爲害至此極矣是秋惟蕎麥尙熟民賴以生

八年春民飢四野蝻生旋生旋捕爲害較輕秋仍熟

九年七月十四日太白經天

同治二年二月客星入華三月十二日梟匪北竄自趙州經過邊馬至宋曹村數百騎搶掠而去十三日有衆千餘人自南來直入宋曹自稱鄉勇居民驚走搶掠幾空五月二十四日天雨雹有大如拳者城西北諸村禾稼盡傷

三年麥大熟

七年二麥大熟

十一年麥秋熟五六月間大雨水房屋坍塌無數南北河漲溢沿河村莊多被

害

以上光緒元年採訪

清光緒三年荒旱大饑人相食縣令請欸賑濟

十九年七月七日淫雨連綿七晝夜房屋傾圮無數

二十五年自立秋至冬無雨亦無雪秋麥未播種

二十六年自春至夏久旱六月初四晚始降甘霖

三十一年六月十四日大雨如注山水驟下河水四溢房屋倒塌壓死男女牲畜無算知事葛亮升蒞各村勘災請欸賑濟房每間發制錢八百文人每口發

制錢數千

卷失雜  
查確數

是年豺狼爲害境內各村民被咬食者頗多風災亦甚烈

清宣統三年四月大雨雹麥盡傷人亦有被傷致死者

民國三年秋末飛蝗蔽野天日無光麥苗食盡

四年秋黑螻發生田野穀葉俱被食

按當時蝗螻發生人民視爲神蟲群向八  
蜡廟禱祝嗣以求神無效有將偶像推倒

者後奉令掘壕坑之民咸  
踴躍驅殺田禾賴以微收

六年六月初八日大雨傾盆山洪暴發人民損失無算又兩雹

七年瘟疫大作傳染甚烈往往有用炊釜煎藥一家人共飲之者是年豆麥俱

豐收十一月地震人皆頭眩欲嘔

九年亢旱滴雨未降秋後霍亂大作人民死傷無數棺木用盡貧民有用蓆槩

葬者

十年五穀大熟

十四年二麥收獲俱豐

十五年大雨雪途爲之塞

十七年九月大雪樹葉未落枝上結冰愈積愈重折損甚多是年且有飛蝗雹災亦烈

十八年蝗蝻爲災

十九年大旱

二十年大旱至六月始落雨一次五穀棉花均不收惟紅梁與黑豆收穫較豐



## 志餘

志餘者何以例無可歸而歸之也舊志所載爲省頒門類所無者不敢強爲歸納其事本有可紀雖列之於餘實有裨於正或事近迷信有研究之價值或事屬疑問有考究之必要述之於左以俟後人之探討焉志志餘

### (一) 鹽政

元氏之鹽向歸鹽商恒泰店推銷後又歸晉源永代辦以迄於今每年額銷官引四千五百六十二引每月應銷三百二十六引據縣政府書記科函稱十七年以前案卷因雨災散亂不全僅將十七年以後有文可證者查來其十七年以前價額詢諸父老傳聞證之舊志所列一并按年次第用資參考

額引六千三百一十四引

京引二百九十引

共六千六百四引



元日縣志  
鹽價每劬制錢十二文

以上乾隆

額引六千六百四道

除加劬減引奉文提繳增綱分認各引一千三百七十三道實存五千二百三

十一道內停引六百六十九引

淨行銷四千五百六十二引

嘉慶十四年以前鹽價每劬十九文

十五年三月二十一文

十七年十月二十二文

道光元年九月二十文

五年六月二十二文

十八年三月二十四文

二十二年二十六文

二十九年五月二十四文

咸豐八年十月二十六文

同治十三年七月二十八文

以上同治志

光緒三十二年三十二文

因漢陽文河工加

三十三年三十六文

因榮津浦路加四文

民國二年四分四厘

改折銀洋四分四厘

十五年六月五分四厘

軍需加價

十五年八月五分九厘

軍需加價

十六年六月八分二厘

軍需加價

十九年四月八分七厘

因永定河工費每斤加五厘以二年爲限

十九年七月九分七厘

加征軍事附捐一分以一年爲限

二十年五月一角

加征攤還外債三厘

(二)倉儲

倉穀號稱歷代良法然自漢以來常平倉已不勝其弊古之良法衆矣其始也

數十君子籌之而不足其終也非侵欺爲奸即藉詞消耗利民要政其究反弊此不止積穀一端爲然也查常平倉即官倉官倉而外又有社倉義倉之別官倉出於官購社倉始於雍正勸民捐輸公舉社長社副經理而官督其成義倉略同社倉惟出紳民所樂輸公舉倉正倉副官惟以時查察之常社皆有奏銷義倉則免舊志只叙歷次消耗虧短之由其弊已可想見迨光緒中葉每年捐穀公然分配無餘倉儲捐穀空有美名迄民國十四年經第二屆議參兩會議決取消名亦無存茲輯是篇亦猶告朔餼羊之意留爲後之辦慈善者資藉鏡焉

常平倉 在縣治大門左

舊名預備倉

實儲穀一萬四千石

乾隆志

嘉慶二年溢買穀一千六百石

嘉慶二十一年奉文買補動缺穀二千石

統共應存穀一萬七千六百石

造入二次清查案內報明歷任虧欠穀二千二百廿六石二斗九升五合三勺  
造入三次清查案內報明徐任虧欠穀四千四百一十石七斗九合七勺

乾隆五十七年奉文協撥內邱縣米合穀二千四百六十四石

乾隆五十七年奉文協撥邢臺縣米合穀一千石

嘉慶五年奉文協撥隆平縣米合穀四千石

嘉慶六年奉文協撥正定縣米合穀一千石

嘉慶二十二年秋禾被旱災賑案內詳明碾米動用穀一千二十石九斗八升  
嘉慶二十二年秋禾被旱成災案內設廠煮賑動用穀五百三十三石六斗八  
升八合

造入續虧案內前任知縣陳循古虧缺穀五百石

造入續虧案內前任知縣甘家春虧缺穀五十三石八升四合四勺

造入續虧案內前任知縣呂國珍虧缺穀三百九十一石二斗四升二合六勺

以上共動缺穀一萬七千六百石現今房屋穀俱無

社倉四處

在城儲穀六百六十五石七斗九升六合

南佐儲穀六百一十二石五斗二升

北程儲穀三百九十八石一斗九升

寇村儲穀三百六十六石一斗九升

統共應存穀二千四十三石九升六合

乾隆志

以後增存穀三千八百七十四石三斗三升七合

造入二次清查案內報明歷任虧欠穀三千四百九石七斗四升九合四勺

造入三次清查案內報明徐任虧欠穀二百四十三石六勺

前任知縣景惠虧缺穀二百一十八石四斗七升六合

以上共動缺穀三千八百七十一石二斗二升六合現今房屋俱無惟南佐

寺內存穀三石一斗一升一合

義倉四處

南鄉蘇陽儲穀一百九十六石三斗七升

西鄉南佐儲穀二百五十一石三斗三升

北鄉北程儲穀二百九石四斗

東鄉寇村儲穀三百四十七石二斗六升

統共應存穀一千零四石三斗六升

乾隆志

現今蘇陽南佐寇村三處房屋俱無惟北程有房三間四處共尙存穀三百六十五石四斗四升七合計蘇陽七十二石六斗四升七合南佐一百石寇村一百石北程九十二石八斗

按清季儲穀辦法每年秋末捐穀一分門戶一  
撮穀一石光緒季年此穀並不儲之倉中均歸縣署支配光緒初年所存之  
穀不知於何年  
爲人侵蝕淨盡

### (三) 仙釋

徐元英按圖經趙人駱元素入封龍山遇一老人遺藥十粒與元素曰服此則不飢吾乃徐元英也言訖化爲童子乘雲而去後人於此立觀號曰徐童宋

政和癸巳改名修真俗呼上觀

張白玉字瑩然山前上張村人資性純樸不染俗務宏治十六年簪戴入終南山訪道既有所得知道匪在遠乃於正德四年歸先是雲遊道人王淨庵悅封龍山水結廬居焉瑩既歸乃師事淨庵相與住修雖爲方外人然極孝友後重修修真觀邑人趙維藩爲記其事

勝 林性成端潔釋典頗多會悟遊都中參學至五臺山普陀山繼至福建白雲洞初居無水祝畢以錫杖擊之泉爲湧出晚年回鄉面壁參禪圓寂時空中有音樂之聲

宦者

李大用正統間御馬太監

梁 眞嘉靖間春宮位下太監

李 甫嘉靖間司禮監太監

侯 祿隆嘉靖間御馬監太監

杜 漢萬歷間景府典膳太監和睦宗族好興作奉敕創建天仙聖母廟又奉  
 敕建元帝廟施地二十五畝以爲香火之資進士及第翰林院編修余孟麟  
 禮部主客清吏司主事兼修國史藩靜深並爲撰文記石

附各村廟宇表

廟名	地點	建立年月	重修年月	有無廟產
雲祈寺	城內西街			有無僧道尼姑
開化寺	城內南街	元魏時		
法化寺	寇村	南漢武帝時	明洪武初年	
三聖行宮寺	北蘇	嘉靖元年		
壽勝寺	解村	金時		
清院寺	南蘇	至元二年		



廟名	地點	建立年月	重修年月	有無僧道尼姑	有無廟產
勝會寺	付村	大定三年			
華嚴寺	大孔		金大定間		
金仙寺	宋曹		金大定間		
白毫寺	西正	成化元年			
彌陀寺	東正				
元通寺	<small>黎村北嚴二村之間</small>		金大定三年		
洪福寺	紙屯	金大定癸巳			
慈氏寺	溝北				
德勝寺	車汪溝	隆慶五年			
廣化寺	南北蘇村		成化四年		

大悲寺 北正 元至元年

崇福寺 南正 明成化元年

白塔寺 鹿臺 王德元年

佛堂寺 墨池 至元三年

福祥寺 趙同 萬曆二十二年

普淨寺 東蘇陽 元至元年

白華寺 東城角

長山寺 南佐 成化元年

舍利寺 王村 正德五年

寶環寺 齊范 正德二年

桂林寺 黑水河 至正五年

廟名	地點	建立年月	重修年月	有無僧道尼姑	有無廟產
清業寺	方塚	嘉靖四十五年			
開業寺	吳村	元魏時			
朝元觀	北褚	開皇間			
古佛寺	胡泉	太和三年			
龍嶽寺	姬村	齊皇宗一年	元至元十九年		
覺禪寺	東西閭堡	正德二年			
興國寺	城郎		嘉靖三十五年		
景德寺	前後趙莊	唐開元元年	嘉靖三年		
興福寺	長村		隋開皇八年		
石佛寺	封照	大定四年			

福建寺 毛 遺 嘉靖七年

凝禪寺 北白婁 魏元像二年

永天寺 故 城

勝福寺 魏 村 唐 代

應國寺 西 郝 宋元豐四年

福勝寺 使 莊 宋元豐四年

報國寺 聊 村 漢 代 正德年

應覺寺 里 余 嘉靖四年

靈岩寺 萬 年 正德十一年

增善寺 赤 良 萬歷十一年

感聖寺 東同下 隋開皇八年 嘉靖甲子

廟名	地點	建立年月	重修年月	有無僧道尼姑	有無廟產
白佛寺	郝村	嘉靖七年			
觀音寺	<small>前後黃家營</small>	弘治四年			
寶林寺	王全口	嘉靖九年			
慈氏寺	三尖塚				
接引寺	北杜村		大定三年		
龍泉寺	董堡村	宣德八年			
普炤寺	褚固		大定三年		
開法寺	南因	正隆六年			
法雲寺	陳翟南凡		大定二年		

(四) 辯訛

雞鳴口在縣十八里兩岡橫岡中通線路相傳孟嘗君渡關處至今岡名孟嘗岡岡側有孟嘗君墓正定府志云按地理志孟嘗君墓在徐州滕縣五十一里卒於齊襄王時文封於薛葬必其食邑謂墓在此誤雞鳴口亦後人附會也朱彝尊白石神君碑跋云無極山神廟碑文稱神君能致雲雨法施於民祀之宜也所云蓋高者合之無極廟碑特常山一妄男子耳斯時巫風方熾爲民牧者宜潛禁於將萌馮巡王翊輕信巫言輒代爲之請何與非所云國將亡而聽之神者與碑建於光和六年是歲妖人張角起矣

常山郡治元氏漢晉皆然陳壽三國史無地里志洪亮吉補三國疆域志載冀州漢建安十年平袁氏地入魏得漢舊郡十二置郡四凡統郡十六有常山郡漢置領縣八而無元氏列真定爲八縣之首考常山郡治真定係魏道武所移非曹魏時事也未引郡國志云又有元氏等六縣其以魏之常山郡治真定益明又載趙國係漢置統縣九有元氏未詳國都何邑列房子爲九縣之首以前後例推之則趙國都房子矣其訛謬如此

明一統志云恒山漢初郡名治真定縣後避諱改曰常山武帝初置真定國於此常山屬焉東漢建武間并真定屬常山國魏復爲郡晉因之治真定後魏移治安樂壘按此說非是兩漢常山郡國治元氏漢書地理志可考後魏始移治安樂壘在今正定府治西南十八里元氏故城之北所謂道武登郡城北望安樂美其名移郡治之是也如明一統志何能北望其說難通

續文獻通考云李治兩書院一在元氏縣封龍山名封龍書院一在龍首峯下名中峯書院元中統初李治聚徒數十人朝暮講誦不輟許衡趙復之道由茲大振恒州按元氏封龍山麓書院有三封龍中谿西谿是也中谿在龍首峯下西谿在龍首峯西並無中峯西峯之名至聚徒數十人十字或作千字誤

魏大賢元氏因村人畿輔志載入元城縣誤

王翊京兆人漢光和間任元氏見白石神君碑自隸釋疑用舊文再刻畿輔志遂以光和爲元和列王翊於唐名宦中正定府志乾隆志皆沿其訛今正之開業寺開耀二年碑刻中有句云仕必還鄉衣錦之遊斯在按此二語則自元

魏李秀林父子歷隨而唐至於崇愬並未徙居他邑可知乃載入趙州又入高邑者皆北史附李喬於李順傳後居平棘南誤之也

無極山爲邑中六名山之一距無極縣百數十里耳循名不獲擬議橫生如金馮翼問山堂記云世傳無極山有名無形天下有無形之山乎無極縣志縣以山名實無山形二語得之記又云以道先生下車之日按圖求無極山所在古蹟都亡縣本無山何有古蹟今元之無極山上有漢隸碑刻道光間始移置文清書院則古蹟至今尙有存焉者宋金之時豈其云亡甚矣歷代通儒亦不免刻船求劍之失也

(五)存疑

順治乾隆二志列張普惠杜纂於人物志內考魏書二人皆著籍九門正定府志載入藁城是也元氏志未知何所據證今姑刪之仍俟博雅

乾隆志云舊稱南佐村西北有橋橋北有塚相傳爲梁山伯祝英氏之墓皆荒唐無據正定府志經山水衝激略不甯移若有陰爲擁護者相傳爲梁山伯墓



不然必異人所藏蛻骨也

乾隆志韓臺相傳爲韓信攻趙時虛設糧塚近有穿發得墓甕者蓋趙氏公族大臣之遺塚韓信建幕於其上因以名焉按此後又有從臺傍掘土者其人家屬不安村人因以掘土爲戒臺獲無恙

乾隆志縣北十里許有曰鄒村世傳梁武帝后婦人鄒氏家於茲村之東有鄒氏塚焉

乾隆志次梅邑人有墓碑爲丞相不知出自何代

李中祐吉日癸巳記云贊皇縣壇山上有周穆王石刻四字曰吉日癸巳筆力遒勁有劍拔弩張之狀地荒且僻歷數千年鮮有知其奇古而往寓目者廣平宋公皇祐四年九月自毫社之鎮陽過趙日嘗訪此字於士大夫間爾後郡守王君使縣人尋訪得之巖石之上令劉莊者因督工鑿取輦置歸我時人始驚異觀者日盈集噫在寒山絕壁昧昧然人不知識因宋公一言今遂出幽晦取愛重於時中祐昔聞其妙今幸權守於此而覩其真且懼經歷久遠一旦圯剝

失千載妙絕之跡迺俾闢石糊灰括以堅木剗廳事右壁而陷置之按今贊皇壇山村在萬花山西地係山坡並無峻巖絕壁何以督工鑿取今元人傳言昔周穆幸萬花山因是日不吉從臣勸之書吉日癸巳四字於山巖上考穆天子傳天子獵於鉞山之西阿於是得絕鉞山之隧北循滹沱之陽郭璞註鉞山在今常山石邑縣又乙酉天子西絕鉞險註即鉞山之坂一云癸巳遊於井陘之山吉日癸巳按此則周時非惟無萬花之名并無所謂壇山者鉞山或屬石邑或屬井陘非惟不屬於元氏亦并不屬於贊皇而吉日癸巳四字却鑿取於贊皇之壇山壇山乃萬花之西山坡豈周名鉞山宋名壇山今名萬花山與漢屬石邑又屬井陘宋屬贊皇今屬元氏與地輿歲併原自無常第贊皇志所載避暑巖實在今元之萬花山上

雞鳴口之訛郡志辨之是已至孟嘗君墓郡志謂文封於薛葬必其食邑恐未盡然自齊湣王欲去孟嘗君孟嘗君奔衛與諸侯破齊則畔齊已久迨襄王復國孟嘗君中立無屬必有惴惴不自安者結交強鄰藉以自固理勢然也齊趙

元日縣志  
接壤狡兔營窟馮驩之智已全授之矣至赧王三十六年田文卒諸子爭立齊衛共滅之身死國亡事不旋踵則不得其葬可知也葬不必於其地亦可知也當日者或卒於趙而葬之或諸子亡命輿柩而葬於此雖無確証而廣輿記謂在元氏必有所據而云然郡志謂葬必其食邑以時勢斷之未盡然也

# 附叙錄

## (一) 舊叙

### 重修元氏縣志序

元氏爲趙武靈王封公子元地地本古中山班志所謂地薄人衆丈夫多悲歌慷慨號稱難治者也漢時爲常山郡元魏道武始徙治安樂壘隋開皇中復改置爲縣至今仍之惟其地恒苦兵如漢光武破尤來大搶等寇以及晉拒石勒宋逐契丹史不絕書則以常山本戰地談除要者所必爭勢使然也夫地志之書所以補史之略故必窮元委於史而又考之金石訪之藝文詢之父老之傳聞下至鄉曲里巷方言俗諺之瑣細辨語削繁擇善而從乃能卓然成一書與史相輔邑志以明康海武功志韓邦靖朝邑志爲善本清陸清猷公令靈壽其志獨傳不獨書以人重抑巨地以人名也守令爲親民官故今之政首以得民爲務而欲得民必先與其民之好惡成爲俗者致祥焉而後可以行吾志欲徵

今先溯古此志乘所以爲政書也同治壬申余令元氏適奉 憲檄重葺縣志  
蓋是時僉逆旣平畿輔之民亦已休養生息涵濡德化因相與振興政教修明  
禮樂誠盛事也元邑雖僻等彈丸亦宜徵文考獻以備輶軒採擇之資余承乏  
茲土簿書倥偬又學殖荒落懼弗任爰與邑之孝廉王君鈞如等廣爲搵採詳  
加審訂復延趙禮門學博綜司其事繁者刪之佚者補之閱七月而書成於是  
輿地山川之條理田賦兵制之因革創置之所由剏官師之所由蒞人物之所  
由興靡弗備焉他若史紀之冊封爵相守之系昔所未詳皆表而出之碑誌之  
傳足資異聞亦擇其近古者登諸簡是書也雖自維譾陋於古事無以提其要  
亦庶幾以報元氏一日之政後之君子或有取焉元氏去靈壽不百里清獻之  
遺徵尙存詩曰高山仰止景行行止此又凡有守土責者所宜效法也邑志始  
於明嘉靖時清祖君永杰於順治六年重修之及乾隆二十三年王君人雄再  
修今志多因王志而成蓋相玄者幾百年矣是爲序光緒元年歲次乙亥桐月  
工浣調補元氏縣事東橋胡岳撰

順治志祖序

古史編年朝有柱下野有裨官國之史縣之誌其理一也凡疆域延袤河山鎮  
瀆戶口多寡貢賦重輕文事武備倉庫儲蓄賢哲出處忠孝廉節風俗媿慙著  
書工拙展卷了然在通都大郡記載固詳即僻壤下邑文獻攸存胡可偏廢焉  
清入關定鼎肇造方夏約法簡易首除煩苛盡裁橫徵蠲荒賑災不一而足芟  
削諸醜措海宇於衽席令有土者以撫綏鴻雁爲先鯁鯁闕門務期得人共勦  
雍熙至治功業不止馬上六載來德威並著其開創規模文物車書恩澤旁溢  
在珥管自不勝書雖彈丸黑子之區罔不沾其汪濊烏得不亟爲闡揚杰不敏  
簡命茲土深以吏治弗光爲懼閱覽舊誌憑弔漢唐名人之故趾慨慕今古守  
土之循良曷能已於景行高山微惜其太略而中多魚魯繙閱典籍得前令鹽  
臺張公重修縣志稿雖脫而功未報竣余瞿然曰修廢舉墜有司之事何忍其  
湮沒乃延博古諸儒分局校讐援昔證今余董其事况一代有一代之事一代  
自有一代之史不必偏諱亟繕張公前志仍竟其局後緒明季告終清朝啓運

元日縣志  
其鼎革損益官師姓名災祥政治有古蹟前未詳者無妨檢入另書後冊以成一朝信史備異日轡軒採擇在元亦有人民社稷雖重壽劓劓知幸免不急之誚也夫嘗順治六年歲次己丑暮春文林郎知元氏縣事三韓祖永杰謹撰

王志序

蓋聞有一邑之政則必有一邑之志志之所載即政之所以行其不可缺一也久矣故典謨訓誥以及周禮周官血脈流通相爲表裏元雖山僻小邑不可以一日無政即不可以一日無志余承乏三載翻閱舊志經久不修將欲因所當因革所當革法其所當法戒其所當戒百餘年來茫無可據心竊憂之爰集邑之紳士公議重修幸皆踴躍樂從遂於簿書之暇勉爲纂輯葺之於統志衷之以郡志且旁徵之正定靈壽贊皇欒城獲鹿趙州高邑各志參互考訂祈其有當而猶未敢遽信也因與同事諸君子諮諏商確夙夜靡甯閱五月而志乃告竣焉吁嗟乎龍山之高槐水之長漢明誕興於前薛瑄篤生於後李躬郭元振雅韻猶存王鑑之蘇繼歐善政如昨董樞李琦之猷略李知本之孝義趙維藩

之文學皆炳炳麟麟可資考鑑余蓋低何焉而不能置及觀智浹之捐軀董氏之刎頸誰爲罪首誰爲厲階是非之公不沒人口又未始不黯然傷凜然恐也我朝文治光昭禮樂政教歸於有極凡聖哲之經營名公卿之翊贊郁乎煥乎盡美盡善誠百代之章程萬世之準則也余不揣固陋蒐羅校正纂輯成編敢曰文獻於是乎徵庶幾所因所革當法當戒可以爲一日之政即可爲一邑之志聊備將來之採擇云爾使閱是編者責余深望余重以爲此元氏一邑之志即元氏一日之政也而余則幸甚而余則懼甚

### 重修元氏志後序

昔丁公百川序乾隆郡志後云郡各有志而正郡獨難正郡舊亦有志而修於今則尤難鈞謂元氏志亦然元自錫名以來二千餘載矣其間疆域之裁併賦役之增減土風之隆替山川人物學校官師皆志之要務也矧元爲古常山地今僻而昔衝今衰而昔盛當周秦之際戎馬煩興漢晉之時郡國迭置北魏隋唐篤生將相宋金元明實萃人才非廣爲摭羅詳爲討論何以資考鏡而備轄



軒耶其尤難者元志創於前明嘉靖間我朝定鼎一修於順治再修於乾隆迄  
今考國初之曠典求前哲之芳踪或闕焉而不載或語焉而不詳其餘更無論  
矣於庠自槐水龍山精華歇絕世家巨族相繼淪胥窮鄉既乏藏書寒微復鮮  
家乘而一二通籍之士又皆崛起於草莽間者欲求博古文人以備掌故之遺  
則渺不可得此修於今之所以難也歲甲戌邑侯胡公奉檄修志念元民之貧  
與元士之陋心頗難之商諸邑紳衆亦難公之難謬以<sub>鈞</sub>膺斯任<sub>鈞</sub>識淺才疎  
素惜於學敢不自量嗣邑侯聘郡學教授趙禮門先生總集其成又得景君芷  
汀杜君蓮洲王君方維共襄厥事迺赴局採訪七閱月而功始竣正疆域詳山  
川察村鎮摻貞石訪古蹟武備保息缺而增之人物官師漏者補之徵世事之  
治亂正學宮之位置別藝文之後先若乃仙釋宦者付之歸餘辨訛存疑贅諸  
簡末繪圖七分卷十六訂冊八取前志而大肆更張敢自作聰明哉此皆我邑  
侯所指示而一遵夫省局之規條也且至鉅之任非一人所能勝也至公之事  
非一人所敢私也嘗謂邑志之修非邑人則聞見不真非官長則去取不嚴非

多士則摻索不廣三者兼得其庶幾矣斯舉也錯漏雖多然向非胡公授以方略趙公示以規矩與夫諸君子跋山涉水考古證今分類而課功則率爾操觚能不旋面而歎汪洋乎至若疆域之裁併賦役之增減土風之隆替缺則缺略則略非畏其難而不爲才有所不足識有所不及學有所囿也則抱愧良多後君子尙共諒之

光緒元年五月既望邑人王鈞如謹序

(二) 歷修姓氏

明

嘉靖年間創修

元氏縣知縣

周居魯

山東歷城舉人

清

順治六年重修

元氏縣知縣

祖永杰

遼東賁生

明崇正八年拔貢生

智鳳翥

人邑

乾隆二十三年重修

元氏縣知縣

王人雄

浙江蕭山人

同治十三年重修

裁定

知府用即補同知直隸州元氏知縣

胡岳

湖北安陸府天門舉人

總纂

正定府學教授

趙維廉

涿水舉人

纂輯

戊午科舉人大挑二等候選教諭

王鈞如

人邑

分纂

試用訓導廩貢生

杜爾

人邑

郡廩生

景振沅

人邑

優廩生

王秉均

邑人

(三)新輯姓氏

民國二十年

裁定

署北平理法元政氏大縣學縣長

王自尊

莊子敬河

總編纂

拔貢唐山國立交通大學教授

李林奎

邑仲武人

編纂兼理事

保定師範二年畢業

武儒衡

邑鑑堂人

編纂

北洋法政學校畢業

王允中

邑心傳人

清文

生

張靖清

邑蓋人

縣立女師高級小學校校長

周化岐

邑鳳山人

清

探訪

廩

生

王鳴鵠

邑五  
人

劉治齋

高小  
畢業

陳兆昌

縣師  
畢業

王樹桐

清文  
生

郭慶陽

高小  
畢業

王訓

清文生  
縣立  
師範畢業

高裕和

清文  
生

王善明

縣立師範  
學校畢業

王殿桂

縣師  
畢業

張鳳瑞

縣立師  
範畢業

劉運昌

縣立師  
範畢業

王奎

山西崇實中學  
軍事政治學校  
畢業

名譽探訪

王麟閣

縣立師範省立民衆  
學校講習所畢業

張樹棠

登記學  
校畢業

王現琦

第三高小  
學校畢業

孔慶行

河北大學  
法科畢業

李心湛

高小  
學校畢業

校對

曹永祿

河北大學  
法科畢業

王家駿

正定師範  
三年畢業

製圖

宮起鳳

縣立高小  
學校畢業

辛未新志批詞

河北省政府指令

第四一六四號

令元氏縣

爲呈送志料請鑒核由

呈悉查所編志料頗稱詳備附影片地圖亦頗精確該縣長督飭有方應予記  
功一次各編纂人員並應傳令嘉獎所送志料應發交通志館另行詳核此令  
中華民國廿一年 月 日

主席王樹常



## 跋

民國辛未夏省府徵方志縣長王公擬設局招紳續纂輯或以余薦余以謏陋辭嗣聞總纂聘李先生運卿以張先生蓋臣副之只令余整理集稿乃受命既而李張兩先生均弗就固請之惟允任修稿余惘然若失以茲事體大非學識閎通嫻於地方掌故者不克勝任強之再四仍弗允旋承李先生旨倩伊侄仲武君任總纂名義而一切局事由余綜理其文稿則送請先生核定焉議定乃開局縣長督纂輯以三月爲期復延王君心傳周君鳳山王君蔭五等分任採纂雖經石軍之亂而工作卒繼續進行余與王君心傳據訪稿分叙錄手披日覽溽暑鬱蒸往往午夜猶伏几編次弗輟也如是者兩月餘整理乃就緒凡稿本均經運卿先生潤色之仲武君校正之王縣長審覈之始抄呈省府事既竣省令頗嘉獎然余深滋愧赧夫邑乘與國史雖繁簡廣狹不同然其信今傳後則一以短促期間搜求五十餘年之軼聞故事文獻無徵實多罅漏前者仲武



夫子囑將邑中之山脈河流分圖貼說清末民初興革諸大政詳叙源流他如婚喪之禮節風俗之利弊金石之沿革列女之次第均宜訪詢詳贍分列爲表始能簡明翔實足以昭示來茲承囑各端本擬抽暇訪求一一整理顧心餘力絀已閱寒暑而未竟厥志誠憾事也茲付劂剛爰跋數言以俟後之君子民國二十二年元月武儒衡跋